

懷古田舍詩節鈔

懷古田舍詩節鈔卷之四

漢軍徐 榮鐵孫

八月二十七日蒙

恩召對恭紀

三點傳鐘啟禁門九關虎豹已雲屯觚稜遠界虹蜺影

宮樹先承雨露恩英匣呈名齊候起傳一人謂羽琤勒

萃早傳殮

御前侍衛
衛每日黎明俱

乾清門侍
賞祭肉

殷勤故舊來

相慰都說

天顏笑語溫

三策褒然偶擅場重承

天語惜文章無雙誰競秘書省四十眞慚著作郎博士
生涯原許耐拍張家世不應忘牛羊芻牧須人任一落
塵埃歲月長

戎釁傳來珠海東蛟門烽火照天紅鯨鯢有恨遺京觀
霹靂無情誤火攻漢代樓船邊備急

虞階干羽

聖謨崇三年籌筆嗟何補蒿目東南杼柚空

絕島星羅海百尋窮檐生理半人禽民無衣食

宸衷切邊有藩離

睿慮深五事

錫疇懸象魏

忠孝勤
儉讓

片言比事愧棠陰

小臣

敢負平生

學親奉

絲綸凜自今

十三日固安道中

紛紛落葉打車篷吹破秋陰西北風拒馬河渾遶水急
試鷹天迴塞雲空回頭山色居庸遠到眼輿圖督亢雄
固安有訪古自憐都未暇打包來往只怱怱

雄縣懷宋李垂範刺史

允則

不見浮圖百尺高猶思荷菱宴城濠榆林蔬圃皆行陣
胡馬氍毹車敢遁逃事過巖疆非往制時艱今日要人豪
無端懷古增惆悵極目東南首重搔

任邱道中

莽莽平原落照中天將秋色濟詩窮寒蘆似我頭先白

官柳依人腹半空掘鯉泉湮非舊淀

寰宇記淀在任邱
卽魏都賦掘鯉之

淀蓋節之淵盤鵬天遠正西風易京城闕無樓櫓堪笑

也案淀今湮
公孫井底雄

易京城在河間今毀公孫
攢所謂百樓不攻者也

十六日發河間二十里鋪

旅程不敢安初夜發村店同行非夙約齊驅雜貴賤長
林一蔽虧疎燈遞隱現鈴聲曳殘夢客路聽已倦烟城
屯遠山月野輝素練南風盪微雨陰晴倏屢變人間正
酣眠清景無由見

景州道中

弓高城北路冥濛曉色吹開眼界空灑道不妨雞口雨
俗謂天將明雨爲雞口雨此時有雨是日必晴阻車眞怯馬頭風名場身世勞
推轂客路生涯類轉蓬剩有蘭臺五色筆猶能爲賦大

王雄

景州

茫茫大野見孤城湧出浮圖十二層倒剗歸雲分曉日
高迴寒雁俯秋鷹時清祇作莊嚴供事急應同斥堠登
細柳舊營何處是欲攀危級怯凌兢

十八日劉智廟東裝登車假寐聞雨至曉方行

臥聞淅瀝打篷聲萬里還鄉夢忽驚雲意黯愁劉智社
月華明憶趙佗城馬嘶似怯風猶怒鴉訴眞憂雪欲成
不是宵行仍露宿獨聽寒雨到天明

老去

雨泥晴土路漫漫河急風高天正寒性命相依轅下馬
塵埃同食店中餐平生愛著遠游履老去漸愁行路難
歌笑向來輕一室不知清福是平安

聞雁

已誤重陽十日程遲遲爲要帶霜行昨夜始霜高唐路上長
征客聽得南來第一聲

霜華

四野霜華作曉寒日光烘起白漫漫銅城驛外浮銀海

湧出東阿百里山

望泰山

目力知能到幾重馬頭驚看碧芙蓉
天門南下陰陽判遼海東來造化鍾
四顧且吟青玉案千秋猶見白雲封
天公定解憐腰腳夜賜仙人九節筇

舊縣

行過重陽十日中秋容寂寞野田空
東阿舊縣山溝畔初見黃花第一叢

山溝山石亂離離折軸掀轅苦不支
若向遺山論絕句

賞心甯作女郎詩

舊縣道中

中夜發山溝魚貫結行隊
篷車劇舴艋掀簸石浪內擁
衾不成臥有夢皆破碎
前輪一以阻維谷占遂退是時
過哀鴻村犬驚忽吠零風盪
霜華殘月乍明昧回顧望
燈火絃管鼎猶沸居行或異
地歌哭豈殊類人從憂患
生念言發深慨

東平尖

小店橋南舊有名夾河高柳
午窗晴重來未改清陰在

只欠涼蟬一串聲

汶上道中

路入齊南物色新
寒原經雨少征塵
鬼廷老柏髡留頂
官道垂楊臥長鱗
天氣漸高雲減色
農功已畢野無人
勞勞只有長征客
飽看秋光暮復晨

二十二日雨發汶上

勞勞行李發中都
黯黯愁雲夜未徂
寒預告人羣雁到
昏纔照馬一燈孤
重陽已過猶風雨
老景侵尋况道途
喜是吟身猶健在
泥中牛馬任人呼

風塵

風塵忽已上須眉禁得霜華幾日吹心裏松筠空有恃

眼中蒲柳竟先衰衣更莫誤歸家犬

楊希素衣而出緇衣而返其狗不知

迎而吠之見列子說符篇

泥沒真慚曳尾龜江海馳驅還自笑白頭

可稱把旌麾

二十三日發兗州

萬柳擁高城一道漏斜月風鈴引殘夢清景記恍惚疎

燈檐清曉人語出深樾時聞悲笳聲聞伍齊步伐

是日兗鎮

迎寒帷望鄒繹高翠湧天末我馬元以黃胡能坐超越

零雨念昨宵旭日喜明發人事有轉移天意哀白髮悠
悠指中山庶幾免顛蹶

中山早尖聞前路泥雨難行

傳餐不敢逸驅車發中山側聞界河雨竟日流潏潏雨
打車篷溼猶可雨後晴泥深沒輟白馬鐵驪好看客黃
鵠老翁愁煞我北沙河北沙場寬草枯沙硬輪聲乾南
來到此開笑口北下愁眉先已攢世事無常聊信步何
須戚戚憂前路界河未到且長歌一鞭坦蕩行吾素

二十四日發界河

鄒滕分
界處

到店已中夜僕馬痛以瘖一睡不能覺晨光起東隅避
逅得鄉里結束相招呼謂二姚君番禹人喜晴昞日出避水尋
途紆連軫指遠村人烟半模糊樹浮白霧海雲綴青山
圖霜鴈試俊眼秋原草始枯盤馬遲雕弓正宜邀酒徒
旁人笑問我胡爲在泥塗

憶慮善杭州

冬去春來歲月頻爲余辛苦試風塵四千里外肯徒步
三十年來知食貧老子生涯眞畫餅阿奴門戶亦勞薪
粵南燕北天涯裏日數征鴻昞錦鱗

南沙河

凌晨理柔轡亭午解征鞍倦馬嘶風喜勞人抱影安經
旬抵休沐前路正艱難百里陰平道年時七野盤

寒燈

還鄉未辦買山錢客路空爭祖逖鞭投筆功名嗟晚晚
著書歲月悔遷延愁中對酒花無賴夢裏思家月屢圓
爲報左思嬌女道寒燈千里伴孤眠

次女遂茶四歲時
指謂燈伴予宿嘗

喜其語
有詩意

二十五日發南沙河

總轡指官橋一睡三十里蓬窗漏朝日拭眼忽驚喜臨
城問前路天末殊邈迤秋山引遙矚正墮空濛裏茅舍
起茶烟過客偶停趾曉市趁行車大小足生理屈莊隱
疎林有碑製俶詭寒苔蝕玉箸野火幸未燬紆途不暇
訪書此志吾鄙

官橋南五里屈家莊有古碑二
篆書奇詭來時繞道曾見之

二疏故里

在沙溝

寄慮同傳明四子

急流患難多勇退誠不易二疏出東都祖餞傾朝市功
成名遂歸天道本如是賜金娛親舊不爲子孫累定知
著庭誥曾聞答賓戲愚財益其過賢富損其智吾豈老

憊哉遺安乃素志翳我佩此言過里起遐思書以寄汝
曹庶知老人意

過匡衡故里沙溝南

河間纔過毛精壘大毛公冢土人謂之毛精壘嶧縣還逢匡鼎鄉五

十學詩應不晚欲宗周漢廢齊梁

陰平口號

沙河南路趨陰平百二十里爲一程車行兩頭不見日
避泥阻水可憐生

二十六日發陰平

林宗憩逆旅躬自爲汎掃我嘗師此意遠非不瀉草膏
來投宿遲荒店溷芻蕘呼僮理雜穢倦枕得一倒關心
問晨星殘月出已早僕夫催束裝客子愁就道出門逢
遠山秋色方靜好高林擁烟霧一碧淨如澡不愛路漫
漫且吟日杲杲

嶧縣道中

馬頭飛出曉霞光睡眠初開望渺茫霧湧遙山如隔海
風搖疎樹卽連檣碾渦左右搖詩夢鈴語分明笑客裝
書劍無多纔手置請君廓落看車箱

都中買刀一柄書一篋

二十七日發汴塘

汴塘金雞渡出店纔五里行人爭渡先未曉皆早起月
鉤挂疏林燈暈盪寒水南轡已紛紜北轅亦戾止人馬
險同船木石滑溜趾旣濟瞻未來後轍方邐迤中宵犯
霧露不歎垂暮齒勞逸隨所遭習勤亦良美古來百歲
翁不盡安居子

曹八集早尖

十里垂楊一徑通吹開寒翠漏晴紅想當伏暑三庚日
喝透涼蟬萬翼風馬望午烟前路喜人趨亥市此鄉雄

析圭擔爵知何用干畝封君勝渭中

主此集者曹孝廉上人云集南北四

十里內皆其地也

車中雜詠

任重軸恆樸推行輪則圓豈宜安四角慎勿鑿方穿
作事欲欺人動謂後人拙君看大野中車行必留轍
驂駢自騰躍轅馬只低頭良驥稱其德長途慎所求
篷搖一舟小塵起驚浪蹙平地君勿輕有時亦顛覆
蓋軫象天地日月卽兩輪日月尚不息轆轤余何論

下邳道中

近看仍疏遠望稠一天新綠麥芽抽誰憐耐過冰霜日
別待人間四月秋

遠樹平沙極望閒弓弓百里路彎環遙青一掬迎人立

知是邳州半角山

葛嶧山俗呼半角山

二十八日發舊邳州

宵來西北陰侵曉東南暗龍尾雖晶瑩鳥味殊黯淡連
軻趨河隄呼火度石礪坐見雲影流漸覺天色紺殘月
隱如星吐曜時復暫我程餘幾日已繫清浦纜先晴荷
天慈後雨敢余憾沾蕩聞河流風勢方泛濫驚疑屢褰

帷東方再三瞰

車行看日出作

夜氣茫茫連曉霧秋陰黯黯愁長路六龍總轡忽飛來
萬里長雲遮不住初看勾漏浴丹砂漸曳金繩一道斜
日腳雲頭忽相值烘作扶桑千頃霞西爪東鱗爭激射
眞面時時露雲罅流出江萍散不收鑄成秋橋高無價
君不見羅浮高高子日亭此時襖被誰曾經又不見秦
山日觀俯滄海餐霞被羽何人在家山客路兩蹉跎歷
碌風塵自嘯歌帝憫窮途無鐵杖天教俗眼洗金波

宿北

宿北長隄如半環河流不到今幾年淤沙百頃宜豆麥
天惠窮黎供粥饘淤田種出無租賦隄外耕田隄裏住
今年秋好十分收苦草泥墻看處處春桃柳花秋菊暉
亦有菱蘆魚蟹肥男婚女嫁不咫尺一飽之餘無是非
君不見縣南大溜從南轉晝夜兵夫輪守險有田不暇
事春耕羨汝安眠養雞犬

車路口渡運河

未至順河八里

南來幾千里三渡運河中德州待曉日湖漕已回空昨

行張莊壩始見來蘇松今日車路口回艘皆未逢乃知

車道直河流彎幾重正如作弗字我弩而彼弓

永字八法側勒

弩趯策掠啄磔弩謂一也

嗟彼太倉粟久聞石一鍾翳余亦盜食碌

碌慚無功誰能出奇謀一濟輸輓窮

二十九日發順河

驅車發順河迴瞻宿遷城中宵闕燈火夜聽河流聲長
隄歲百萬亦以資旅程跬步皆

君恩吁嗟感余生悠悠指東南曙色忽已萌殘月迎馬
首夜氣爲之清茫茫四野靜隱隱聞雞鳴人家辨疎樹

漸有行人行極望楊花集傳餐怕旅情

黃河隄上大風

萬里披襟也自雄河隄高處看晴空飛來西北通天水
捲到東南刮地風馬耳頻聽雙削竹客懷多感一飛蓬
四方有守尋常事去垢何因入夢中

宿衆興集

千山行李鬢毛蒼終日輪蹠爲底忙鏡影不曾饒老子
鈴聲猶似笑三郎跨轅睡僕時侵界入店行人早占房
三十年前野盤處重來安枕陋何妨

嘉慶十九年冬大雨雪至此行不及

店五里路
宿於野

三十日發衆興

總轡趨王營輪聲一何喜星霜十九日風塵二千里卸
裘約亭午同隊競先起隄平沙路乾風恬睡味美伸腰
問星飯魚溝已尺咫是時月之晦殘魄應盡死分明一
鉤金乃在朝霞裏明晨曉夢酣曹騰墮烟水清景戀今
朝前轅久徙倚

落花生

姓名何必列羣芳風味如君淡不妨肯與落花徒委地

居然生子卽離鄉三層樓上人如玉百繭裙邊土有香
一種相思忘不得酒禪茶話夜初長

渡黃河

驚流終古自奔渾又喜霜瀾復舊痕東去幾時歸絕漠
西來此水界中原一千里曲今難信五百年清遠莫論
見慣風塵應笑我白頭還此渡征轅

以上節鈔
乙南上集

過淮安府

淮流瀾瀾拍長隄高與甘城雉堞齊公路浦遙通府北
子喬山古接雲西道傍漂母仍相遇市上王孫孰品題

欲訪溪南詩老宅寂寥門巷午雞啼

曩張亨甫爲余言山陽魯蘭岑孝廉

一同爲詩壇畏友朱述之亦知其人云善畫雞今居山陽城內頃欲訪之居人有知之者在清江未歸也

泊寶應

相逢鄉里共招呼客况雖寒幸不孤

謂同行兩姚君榮臺敬亭番禺泗貝

底人遠道征衣禁雨雪故山情話感蕪鱸雲中聽雁書難

寄離畔逢花酒易沽且與普天同舞蹈六街燈火醉珠

湖初十日

皇太后七旬大慶是日寶應縣城已張燈彩

淮南

淮南四百里淮隄如砥平淮漲幾時減洲草已復生寒

蘆冒秋雪涼烟搖午晴擁衾信柔艣臥聽鷗鴉聲心知
西窗外一片湖光橫莫論漁釣事恐惹蓴鱸情

初三日寶應道中

泥甸莊西曉霧生長隄裊裊一絲橫湖光欲上雲陰下
天水空濛認不清

雲腳篩勻雨似烟江南新酒菊花天人聲忽起垂楊岸
撐出珠湖賣蟹船

高郵道中

秦郵亭古舊曾聞天末盂城氣象分湖影三層朝翠堞

塔稜一面駐斜曛林疎鴉補秋來葉天迴鴈盤水底雲
酒冽蟹肥吾事辦拍浮今夜任醺醺

泊露筋祠

西風吹水碧差差漾出蛾眉月一絲燈火影中聞犬吠
畫船齊泊露筋祠

泊露筋祠夜半大風

陡覺萬山呼南風捲舳艫千羣來鐵騎一綫隔珠湖添
纜聲重疊藏舟壑有無誰能如召伯戲海等夷途

謝公以

書僕射鎮廣陵築塘蓄水時人謂之召伯埭今召伯湖是也

初四日發露筋祠至揚州

夢中聞說曉帆開
北轉風聲尙似雷
九十里程纔頃刻
七星山影照人來

甘棠廟口樹鳴秋
召伯湖心浪起樓
漫把矯情譏一局
卽看餘澤已千秋

廿四紅橋臥彩虹
台星只在廣寒中

謂芸臺師

多應載酒雲

山閣拍板還妨唱
惱公

十載同年一面親
劇憐晚節尙風塵
從教賦出桄榔枕

不得陳琳詫北人

謂孫定夫同年

酒霧歌塵一水香
平山堂下作端陽
喚回三十年前夢

鄰笛分明斷客腸

憶朱經畬施夢臣兩同年

初五日出由閘關阻風不得渡江

一夜南風勢未降
吹開紅霧放吟窗
雲心捧日纔離海
山色迎人早過江
秋興難禁花粲粲
長征誰似雁雙雙
金焦只在瓜州口
望斷琳宮七寶幢

瓜州

伊婁水畔斗門西
送客詩留太白題
芳樹楊花看髣髴
兩橋雙閣已淒迷
北湖築埭曾名召
此地開河舊姓齊

好立明禋報功德叢祠猶勝祀無稽

舊唐書元宗本紀開元二十六年潤

州刺史齊澣開伊婁河於揚州南瓜州浦案太白集題瓜州新河餞族叔舍人賁詩有齊公鑿新河萬古流不絕及兩橋對雙閣芳樹有行列楊花滿江來疑是龍山雪等句卽指此也

渡揚子江

北風吹盡南風怒蓋海茫茫捲殘霧遮斷金陵百里山

鈴聲苦道公無渡妬極南船乙乙來紅船招客久徘徊

我留何戀去無畏一霎孤帆剪水開雲飛玉立波心石

謂善才石猴兒石蒜山郭璞墓

浪花白裏青苔溼斜帆之折浪中行一

折經時纔丈尺金山金碧鬱崔嵬船到蓬萊輒引回我

生遭際亦如此艱難幸免顛風摧西望模糊紅霧裏想
見岷江幾千里順風便擬縱舟航官限還愁滯行李灩
澦突兀巫峯奇少陵句裏早相知慰愁且飲玻璃水畏
晚還吟玉局詩

入鎮江河中作

殘潮隨棹繞城隈迎客黃花照影開路遇南船都指似
道儂風裏過江來

屯雲走馬認難真百里長山紫翠新丁卯橋邊有閒地
卜居吾欲近詩人

府城南十餘里有小河東來舟人云
通丁卯鎮計其地則長山之陽也

年來未盡復瘡痍不是南徐坐鎮時劉尹柳條袁尹竹
可能談笑卻熊羆

耽吟

南風作意阻歸旗黃鶴名山遙遙待櫓枝訪古自憐爲客
蹙耽吟翻願到家遲楓酣霜野如人醉稻熟江田驗蟹
知吹盡石尤吾不悔又緣小泊得新詩

長途

長途行李劇飄蓬帆影鞭絲歷碌中柳外不逢青眼客
草間今有白頭翁采芝老欲尋三秀縛草歸當送五窮

見說潢池勞士馬猶能叩壘策奇功

張官渡泊

晚泊張官渡人烟十數家疎林巢突兀古戍屋欹斜拂
水愁風尾銜山見月牙船頭閒坐久一一數歸鴉

初六日發張官渡

星霜謝晨征烟水便

平聲

曉臥擁衾聞艣聲已報丹陽過

推窗看江色岸竹森萬个沉吟南風生擺盪秋陰破農

功紛在野收斂雜杭稌團圞童稚懽跋涉我人瘁前程

石尤裏一葉白掀簸梁陵邈迤迤呂城遠遮邏

陵口卽梁建陵

修陵呂城卽
呂蒙城也

茶甌有眞禪一盞陪獨坐

奔牛

孟河東去見分流不遣殘潮送客舟萬弩驅風如走馬
一門鈴水下奔牛人烟漸有三吳俗秔稻仍遲十月秋
卅里毘陵雲外路歸程肯爲呂安留

呂瑤仙同年
會約過訪

泊常州

輕舟帶暝色來泊晉陵城昨夜丹陽月仍從碧海生
芙蓉秋浦歇燈火夜街晴借問長千里徘徊已負卿

問新
張村

欲爲蘇卿訪其
弟已夜不果

初七日發常州

毘陵寄旅夢不到湖上山去去馬跡宮柔櫓空濛問南
風息餘焰初旭開新顏斷霞挂龍尾東望不可攀時見
百丈影界破天爛徧路轉礙漁磯隄平循蓼灣黃花抱
幽姿在野何寬閒客行亦有程鳥飛殊未還前途問曲
水清吟未余慳

謂慧山
曲水亭

慧山

秋陰帶平皋舟行日邈迤慧山擁長雲墮我吟窗裏疏
林乍虧暎餘青寫江水前游等昨夢叢桂闕寒藥松風

迎客來泉石實清泚猶聞顧長康癡絕在鄉里

謂顧士美彦

藍輿倘輦致茶甌有妙理流憩譏賈胡貪程信舟子吁

嗟風塵蹤庶免山林恥

錫山

卽慧山東峯也

連峯莽莽墮蒼烟白瓦青林望鬱然山色終朝縣城裏
溪流三折寺門前雲生陸羽煎茶水花繞倪迂載酒船
萬歲千秋無錫好兵爭辛苦憶當年

山舊產錫古諺云有錫兵天下爭無

錫寧天下清也往年夷患揚威將軍屯兵此山故云

路上見菊花感寄昆吾

兒時種菊有生涯半畝同園一逕斜異種聘回同趙壁
名姝擁出比朝霞老來約共泉明隱食罷還從魯望誇
卅載經營成底事路人頭上看黃花

泊新安鎮

薄暮發梁溪暝投新安市崢嶸九龍山送客三十里微
風蹙江練波紋一何綺綠涯被寒英倒影空明裏船頭
望穹窿連靄接青紫搖搖指燈火落落戒行李時聞吳
語聲心等照蠟喜惠泉酒新漉一醉茶可毀旅夢迷歸
途從渠墮烟水

初八日發新安鎮

殘星照烟艣輕舟侵曉開鈴聲撼遠空驛騎衝風來心
知四明譬如聞鴻雁哀黃霸在潁川謝傳當中台如何
盜潢池赤子生嫌猜我家寄湖山老弱愁毳毼計日望
歸櫂永懷酌金壘心急路逾迥歲晏時相催是日問程
立冬
得太平一笑心悠哉太平得勝橋在新
安鎮南二十里

梁鴻墓

伯鸞天下士經世初棲棲五噫出京都一行來會稽碌
碌賃舂役關關椎結妻奉卿亦人豪玉石分塗泥觀人

必於微舉案眉常齊遺言一何達
魏家皋橋西行人每
憑弔落日天淒淒要離彼何人意氣爲之低千秋重吳
會高風拂虹霓

移泊胥門

笙歌如海水光渾老減風情漸畏喧
一櫂悠悠花裏出
載將明月到胥門

初九日發蘇州

平生慕姑蘇旅泊不信宿滄浪
信悠悠縹緲譏碌碌古
來佳麗地成敗一轉轂帆涇無賸
錦香水有餘馥去去

金閨亭燈寒夢初熟嬋娟越來溪微風濛文縠昔人載
鴟夷從此謝簪紱盟鷗與說虎後賢亦卜築謂范石湖一篙
發胥門五湖訪遺躅

望洞庭山作

東南有洞天乃在震澤中晴峯七十二洞庭爲長雄我
行溯湖梢浩渺乘秋風東山裊長雲勢欲填虛空連村
富橘柚雜還攢青紅千林帶夕照遠望何玲瓏側聞西
山竒想見金銀宮娟娟隔人世一半寒烟籠高颿動游
興稊米愁余躬

我友西山翁

謂費崙虛

今時抱關仕成都無新粢柴粢有故

里昔者戎馬間余被嚴檄起殷勤酌杯酒慷慨任妻子

道南大宅中謂可寄行李三萬六千頃正在明窗裏成

言忽因循後約期暮齒鯨海雖恬波潢池又多壘南顧

殊蒼茫人遠室則邇

時崙虛在杭州

吳江道中

挂起輕帆趁曉鴻山痕縹緲碧雲中前生倘與鴟夷約
每到吳閭得順風

覓渡橋連寶帶橋送行木葉冷蕭蕭分明五十三門水

流出吳淞接早潮

松陵回首渺烟波
楓葉蘆花奈客何
二十四橋都過盡
畫船無復小紅歌

岸邊黃菊鬢邊開
荻港炊烟早飯纔
修到漁船夫婦好
雙雙搖出柳陰來

淺渚寒花鳴自呼
斜風細雨合歸無
從今剪取鷺溪絹
畫我漁蓑八尺湖

初十日船坊道中二首

由平望入船坊經烏鎮新市出塘西較行嘉興路近

七十里湖州漕河也

君子有坦途小人驚捷徑誥誠雖先期搖兀及未醒推
蓬辨江岸回篙已逕庭生涯久紆阻付物且因應枯桑
露田舍殘荻隱漁磴虎橋宿烟散龍壩曉潭瑩何嘗異
光景聊復供眺凭呶鴉聽雙鷗前後若投贈夷險信前
程嘯歌有餘興

畫裏鴛鴦湖夢中烟雨樓極樂魚有國多情花繞舟醉
里計前約習池孤勝游借問梅花廳已有陽春不暗香

映清節瓊李思報投

謂家信軒太守曩余贈之墨梅報以畫竹並約同游湖上梅花廳卽

太守廳事也

歧路誤成言暮雲增別愁一笑問舟子利涉吾

何求南風正驕妬前途仍阻修捷巧將何成人事良悠
悠

白烏龍壩至烏鎮

連林遞遠風浩蕩江色開岸花何冷落雲鴈自徘徊舟

行計尺寸艣聲有餘哀隔窗問南船曉發寒山來寒山至錢

馬頭七十五里
時尙未早飯也

南來有輕帆倏如鹿車馳偃蹇正笑我飛騰方在茲盈

滿不知足一蹶悔莫追從來患難生亦在得意時錢馬頭有

覆舟者

我從太湖委將溯湖源行湖波巧避我但遣支流迎想

見三萬頃連天走風聲寄語靈威君移家尋後盟

自寧帶橋

以南水皆太湖支流也著雪二溪出湖州乃太湖之源矣

著書陸魯望刺舟張志和家口問鳬鷺頭銜署烟波路上逢釣徒船頭挂風蓑敬之欲借問敲舷發長歌

雙塔表烏鎮萬家團碧烟日飲霅溪水門停震澤船忘

機漢陰叟

謂楊飛泉司馬潘湘門太守嘗呼之爲漢陰丈人

坐嘯曾翩翩中流

孰砥柱

河中石塔大書中流砥柱四字

戎馬方需賢

時司馬調省未歸

弁山渺何許落日孤雲低驚風吹白蘋洲樹烟淒迷司

勛碧瀾飲太守窪樽題招尋倘未暇西望歌銅鞮

謂羅澹邨

太守

泊吳家濱

孤邨何惹龍烟火數十家斷港接通津連林棲遠霞舟
楫皆入保慰藉意有加行李無萑苻抱關有生涯我來
纜高柳吟聲動蒼葭舵樓罷晚飯江天看歸鴉黯黯夕
陽水星星籬豆花時聞響機杼雞犬靜不譁未敢輕十
室忠信誠堪誇

十一日發吳家濱

江村常早起侵曉聞碓磨高柳挂危霜落落星幾箇舵
尾雞屨號篷背篙尙臥戒途愼行李後發我寧懦西風
吹長雲俄頃江色破窗東日華入港外天影大照水桑
圩閒衝烟艫聲過連市青渺茫寒山遠要嬌孤雁方南
征高吟倘余和

連市紫藤花

連市連雲橋北路岸西驚見紫藤花蟠根已閱百千載
落影橫鋪廿五家坐想春風篩絳雪天開霄水照紅霞
吳娃盪槳笑相問此地何曾輸若耶

自連市抵新市道中

鷺鷥待游魚閒立蘆花磯鷹隼亦求食終日盤空飛
白鷺不餓死蒼鷹仍忍饑請君課勤惰茫茫誰是非
寒山好睂黛獨立當茲誰孤高餘塔劫冷落翻松漪物
情有盛衰善保娉婷姿昌丰士女會乃在清明時
蘆渚隱黃花青林閒紅葉倒影來清波天光淡相接推
窗望山色積翠正稠疊方吟畫中詩且緩風前櫂
桑圩亦有稅荻港亦有租魚游與鶴立踏地誰能逋仍
聞田舍翁負擔求樂輸飛舸難凌風何由達京都

白鷺映青草處世忌奇服食蓼而茹萍作齋不蒙福頗
憶承天言修善得顯戮紫燕接飛蟲終身處華屋
天末吳羗山鏡裏餘不溪流雲入新市延翠來平畦魏
公有別業聞在明霞西上下五百載風流誰與齊

稚川令句漏非祇求丹砂訟庭有餘事著書成一家

我兩天目隱隱標青霞朱邑來何時山色當排衙

謂朱述之

明府時
在杭州

踏遍橋

風颭斜陽上柳梢餘不溪水碧迢迢斷雲流過三鴉路

齊泊仙人踏遍橋

橋名相傳仙人所題今圯

荷衣湖上望見杭州山作

湖在新市南十八里八水分流處也

望見杭州天半山荷衣湖上一開顏五雲擁樹青常溼
八水流花去不還漸近歸程仍旅泊正思吏隱復時艱
明朝輟腳西湖會誰信臣軀未盡孱

十二日發曹家濱

疎林千葉紅殘霧一江白移篙入杭州船頭近咫尺塘
西來時路霜草已如簣差戟碧天橋橋名浩蕩九水濶湖
山凝曉妝殷勤迎去聲歸客分明雲樹中示我舊遊迹時

事雖艱難簡書正充積須爲越石舞肯容謝公屐燈火
話團圞且復永今夕

阻風

天際歸舟捲旆旌青山多處認杭城秋將籬畔千花送
風走雲中萬馬迎遙訊羽書增客感漸經人事減詩情
家人若問南來雁已過皋橋早寄聲

到杭州途中作

縱到杭州不是家團圞且復慰天涯孤雲行處原無意
明月宵來合有華南北道途爭旅雁官私身世問鳴蛙

曾承

別殿從容語老去猶堪向客誇

夜話遙知月滿簾問程一一數郵籤閱人吳越燕齊遍
作主山川風月兼輟腳酒須通夜醉紀行詩已逐時添
西湖知我非生客面上風塵定不嫌

鐵壁銅山有品評敢教僕射愧幽明

玉坡師奏保有坐
結實可靠之目

看人世風雲幻自信吾家海岱清大象得來憑夢寐小
車乘出恥生平歸裝只合添書劍重與金沙港水盟
道路傳聞信未真四明山色又蒙塵豈無龔遂更齊俗

祇要區夫活費人慙慙正防非類子馳驅原許在官身
哀鴻不似常時語誰遣嗷嗷入耳頻

歲除日作

紙窗燈火歲淒其窮到長吟事可知縱不在官甯欠餓

猶能任俠恐非宜

葉小雲秀才告乏搜篋僅餘銅錢三百乃質衣得三金予之

平生

骯髒餘今日三地相思共此時

妻女杭州兒孫廣州慮善南還計可到贛州矣

差喜不聞交謫語北門王事儘敦遺

楊飛泉清夜焚香圖

丙午

成都清獻中和政今日人傳在四明仁月琴無狗俗調

眠花鶴有聞天聲露香入夜平生志歆水逢秋徹底清
叉手上車君看取如羊如栗證前盟美性貪而貴吏清張奐以金馬還之
威化大行事見後漢書君頃題升寧波知府余以此語贈行故復及之

爲李薌園明府

核青

畫梅花

老我西湖窮忍凍愛寫梅花懶狗衆填門絹素不作難
一半已充裙屐用晚來忽得長興書詩人索我消寒圖
發緘伸紙已侵夜敲冰篝火忙妻孥是時北風裂窗紙
我酒未酣詩湧起來書云酒酣詩湧之餘試作一枝一枝飛出正橫斜
去照餘髧半溪水溪北溪南雪似鹽知君索笑恰巡簷

呵毫和出尖义句又喜奚囊八韻添

以上節鈔
乙南下集

梁大中丞檄查浙東善後工程二月十六日風雨

渡江舟中口占

中丞籌筆慮殷勤談笑曾看解粵氛遺愛尙追湯信國

浙江沿海塞城皆明
信國公湯和籌建

談兵還許杜司勛旌旗北去開三

畧

中丞以十五日往查浙
西善後工程兼閱營伍

書劍南來張一軍擊檝試歌

饒吹曲浙東風雨浙西聞

三船詩

紹興河中船有三奇舵以轉水一舟司命
龍門之船舵乃倒插畫鳳飾觀備而不用

此一奇也手以蕩槳天下所同此間小艇易之
以足此二奇也船式尖長所以適用野水小渡

其形斗方界繩河中牽挽以渡此三奇也久欲紀之因循未暇十七日復行此河觸目賦之

曉日瞳矓排畫舸鳳凰飛上朝天棹劃破長隄一抹煙
勸我吟詩天上坐天上輕雲水底飛越山分翠照篷扉
會稽鎮上朝香去賀監湖頭載酒歸

右龍門船

朱髥畫兩舳烏篷裝一艘黃頭素足郎打槳迎桃葉
鏡水碧茗茗歌聲聽漸遙臥吹蒼玉笛穿過菜花橋
眠雲若耶溪踏月樵風渡聞聲惜推篷未是凌波步

右足搖船

兩頭繩子繫荒灣方渡無人盡日閒
採得蓮花歸去晚
斜陽四面看青山

右方船

十八日渡曹娥江

山意曉惺忪娥江早霧濃日高寒誤月樹暗碧疑峰幼
婦碑難繼天孫石不逢

江中有落星石問無知者

蘭風山名青咫尺來

問葛侯蹤

十九日大寶山弔金華副將朱將軍

貴

江田啞啞大鰲島曾餐戰士忠義膚一千戰士同日盡

將軍者貴杓罕朱往歲征夷期晦節大營十里長溪列

妙選前驅屬陝甘大寶山前飛鳥絕

壬寅之役揚威將軍駐東關分遣總

兵段永福南指寧波遊擊劉天保北指鎮海期以正月晦日同時進襲左參贊

率大兵駐長溪嶺上令朱

將軍率陝甘兵一千駐慈谿縣之大寶山為中路前驅

安徽同知張率鄉勇一千五百人駐寧鎮交界之

駱駝橋為南明州兵挫靜海奔駱駝橋卒招驚魂壬寅

北兩軍策應

二月日初四夷獠遂來攻此軍

師期漏洩正月二十八日南北兩軍皆先期舉

事同時敗潰三十口駱駝橋鄉勇自相震驚初此軍沉

一日奔至慈谿初四日夷人遂來攻大寶山矣

沉氣深墨誓滅天狼乃朝食列缺豐隆天半飛鬼蜮沙

蟲肉狼籍諸侯高從壁上觀起辰達未援兵慳

長溪嶺上了了

可見大
寶山
已報輪船添散坂又聞節度潰潼關夷兵千人由小西壩

登岸過來田橋清道觀循慈谿東門繞北門來攻我軍
擊斃夷人甚衆自辰迄未援兵不至而夷人兵船復自
丈亭踵至由散坂橋登岸進攻又聞長
溪嶺兵已燒營而潰此兵遂不支云
嚼齒結纓呼殺

賊今日此身當報國父子師生忠孝門地下相從亦良

得夷奴扶拜公凜然裂背不改生前色
將軍子武生昭南昭南之師顏

心齋明府履敬皆與將軍同
時陣亡夷人扶將軍拜之
後龍山夾田橋設伏何不

相遮要硬寨死仗公自許苦恨兵單愁卒驕縣城入保

亦隅虎告公不聽知無補豈有孤軍得自全公身一旦

心千古
時有建議設伏夾田橋後龍山者公以兵單不能分乃調駱駝橋潰卒往伏率皆不應間有往

者望敵輒潰又有勸公人保慈谿縣城者
公以兵無外援孤守危城非兵法不聽
公鬚笑許書生膽氣麤雀翎五色指示客說到

君恩聲淚俱五年重鼓慈湖櫂額手雲端見新廟蘋蘩
未禮國殤魂風雨驚聞山鬼嘯寄公一語公應噴海上

鯨鯢氣未馴倘見堯光千歲貉奇謀勿吝告時人

余嘗識公

軍需局中指翎冠以示曰征西口時

上所特賜

者也又言安徽堯光山產獸名貉取其油置海中水
波盡燃若得此以燒夷船片板不能還矣貉人面獸身
嘗於文書廢紙中圖以見示今藏之案南山經堯光之
山有獸焉狀如人名曰貉褭見則縣有大繇註不言其
可以然海歲癸卯慈谿縣民於大寶山上立廟祀公

贈王雪軒明府

議濬杜湖
贈詩堅之

君治杜湖水又開天一重

杜湖舊謂第二重天言生物與天同也

山根規

萬井花裏課三農民信勞非厲官勤戶可封任

侗吳潛

遺澤在努力繼前蹤

二十日小西壩待潮不至船擱塗中風雨大作

幾尺春泥擱短橈篷窗聽厭雨瀟瀟風狂已斷東西渡

海信休慳子午潮硤水濃雲兼浪捲戰場芳草向人驕

咸康城郭仍如畫止隔鄞江一綫遙

鄞縣城乾道圖經云劉牢之築以塞

三江之口寧波府志駁之謂晉末此無縣治斷以爲唐末黃晟所築道光二十五年修城多得古軛有字云咸康三年八月廿日番作余從舒厚菴司馬乞得一方案晉書劉牢之傳太元初應謝玄募爲參軍隆安中擊孫

恩立城當在此時而咸康乃晉成帝號在隆安前六十餘年是城亦不始於牢之經志皆誤也附識於此以諗後之修四明志者

二十一日寧波城上作呈王西樓不顯賴芷泉晉

兩明府

金峨山北大雷西風雨如磐野望迷豈有石窗通日月

直愁人海臥鯨鯢三江口泊火輪船一號經餘戰伐春無賴詢到

遺聞語漸低辛丑八月二十九日夷人由鎮海入寧波府城是日提督余步雲知府鄧廷彩知縣

王鼎勲先已出城奔上虞城回首潮頭堪痛哭蛟門天

險惜丸泥蛟門實鎮海門戶曩余庚子至鎮建議火門不守而守金雞招寶乃閨門耳恐非兵法諸

將以蛟門兩島孤峙海中兵無去路
大仇余言自是無議守蛟門者矣

二十二日小潮音洞作

即仙人洞也在鎮海縣招寶山後路至險仄逼臨外

海洞正中鑿小潮音三字

招寶南來面回顧腳插海心無去路忽開洞口接狂潮
呼吸天風有餘怒風怒潮狂霹靂驚奇兵已入威遠城

將軍棄甲督師走倒海翻江聞哭聲

辛丑八月二十六日夷艘入犯鎮海

以一艘攻招寶山南面一艘攻金雞山北面而潛以小舟載兵由此洞上山入威遠城城內守兵驚潰又以一舟載兵由沙嶼嶺攻金雞山後金雞山兵勇亦潰時提督余步雲守招寶山兩江總督駐縣城提督下山入城投水遇救退保寧波時平仍見橫雲堞我攬垂提督亦奔寧已仰藥自盡

藤有餘憫雲影懸空路似繩海光潑眼身如葉往事空

傳六國來平倭勒石亦雄哉不見周嵩山下策定知李

勢是奴才洞外左方石壁橫刻六國來王處五字右方石壁橫刻平倭第一關五字大皆二尺餘題

署小字苔纏不見以義考之當是俞大猷盧鏜諸人所題寧波府志以為王安石書無可據先是二十年鎮海

設防城外鉤金塘設有四礮可防此洞上山之路余至見其險要白劉玉坡中丞添設大礮三門及裕魯珊制

軍來替伊莘農節相督師兩浙令江蘇候補知府率鄉勇助兵守金雞山乃謂鉤金之礮無用盡撤至金

雞山夷人後竟晚潮拍面催歸屐南望金雞增歎惜一由此上山矣

樣飛來沙嶼旗臨時不得邸機力奇奇正正古來聞爭

遣排成一字軍已看金湯重部署莫令風鶴更紛紜

煩辨

善後工程余囑張兩樵司馬畱意鉤金塘
今已築海成隄可安大礮一十九門矣

招寶山放歌

君不見浹口江寄奴大艦排旌幢長生人瀆水仙走築

城置戍來句章

宋高祖爲劉牢之參軍時擊孫恩於浹口

又不見巾子山行

人斷舌懸高竿越國樓船出東海天上白虹翻紫瀾

張越

公世傑度宗時爲水師統制次定海元將石國英令都統下彪來說之降公斷其舌磔之於巾子山下

朝

朝夕改人世豪傑相望異遭際臨山破直亦論功姑

渡擒倭還就逮

明總兵俞大猷破王直於烈港臨山復擒斬倭寇三百餘人於小姑渡胡宗憲

劾其縱倭不追逮詔獄疏辨得釋

雲中樓櫓參差都督威名蛟鱷知

盧鑑為總兵始與副使譚天險尙傳盧氏壘海鋒爭避

綸築威遠城於招寶山上
戚家旗戚少保繼光曾為鎮海總兵倭人望其旗輒避之英雄事去青山在重

見龍旂照瀛海鬼皮韉輭馬繮腥乘出一軍齊喝采丑辛

六月霽霽鄉人獲登岸之夷人盟嘑地里是等二名送軍中裕魯珊節帥剝皮抽筋以號於眾其奏疏有云活

剝其皮以為奴才馬韉生傳聞倏敗五羊盟廈門險失

全閩驚夷人在粵和約已成忽復敗盟駛攻福瀚洲血

戰凡六日絕晒竹山無救兵夷船八月初二日攻定海至初七日始陷壽春鎮總

兵王錫朋處州鎮總兵鄭國鴻定海鎮總兵葛雲飛死之參遊以下死者三十餘人竹山門由鎮入定之路也

救兵只在蛟門西雲屯招寶分金雞悲笳沸海風月湧

列帳連山霜雪低早潮忽打攔江岸火輪飛過蟲沙散
傷心地上走元戎空有蘭筋無款段註見潮音洞詩威遠城頭
落照新山花又報太平春我來只灑潮頭淚此是古來
征戰地

二十三日鎮海縣雪中過江閩南岸礮城

海聲潑枕征魂懣明朝當渡浹口江醒來顛風撼屋瓦
忽有雪珠穿曉窗二月陽春陽正豔豈有陰霾敢潛見
篩柳初兼雨作絲欺桃旋放花成片隔江山作琉璃屏
照我孤篷黃葉輕主人有酒且澆膽謂畢曼年明府出門一笑

東風晴金雞翹翹對招寶南北攔江築城堡中流跋涉

尋笠山臥著老罷當此道

南岸攔江阜及金雞山之西南角東北埂三堡與北岸攔

江阜東嶽宮及招寶山之威遠城三堡遙遙相對又辛丑之役夷人由小浹港登岸出沙嶼嶺繞出金雞山後與山前兵船夾攻於是金雞山鄉勇先潰兵遂不支狼山鎮總兵謝朝恩死之今於笠山內築堡以防入港之路

太息亡羊莫重論補牢辛苦亦虛文疊石縱排諸葛

陣如山終要岳家軍蛟門潮吼虎蹲怒碌碌天涯且行

路青山替人擔古愁一夜白盡雲中頭

罌頭廟

在天磯頭祀宋劉器之先生

天涯尚有罌頭廟嶺外曾傳鐵漢樓濱海衣冠新俎豆

完人名節宋春秋蘆山擁雪朝香案硯水流雲護稻疇
清絕齋宮容寄宿簡書多故惜淹留

二十四日發大硯頭至穿山

又逐雞聲去遙穿曉瘴行百家成小聚四角見孤城已

失依山險新移出海兵

舊城明安陸侯吳傑築半跨後山順治十八年移置平地其形

斗方今修仍之改提標左營爲水師遊擊率兵三百人駐此千總率兵二百人駐霸靄

極天疆畎

濶誰與議屯耕

例水師應更番巡洋近日船薄兵貧怯於出海以故盜風漸熾余意此方居人

耕海爲業魚鹽之利倍於田禾若募之爲兵給以貲本官督出洋以鈞代巡數年之後兵用日充人與水習或

亦備武之

一端也

劍嶺

到地水聲靜上山人意忙駐輿善種寺蓄力瞻前岡倚

天芙蓉色碎石生寒銑初登俯龍淵卽漸盤魚腸罡風

一拂面心知來上方了了見炊煙山城浮海旁

下嶺五里卽鄴

鄴城

鄴霽

信國遺蹤遍百蠻天涯猶有鄴霽關潮聲截斷桃花嶼

霞陣橫連箸雷山

南對定海桃花六橫等嶼城西高山名箸雷舊有墩臺

七萬里

帆城下過

英吉利去中

一雙鷗鳥日邊還誰教小艣撓

國七萬餘里

全局回首翁洲戰血殷

二十一年七月霽霽人獲上岸
黑白夷人各一名裕魯珊節帥

剝皮抽筋
以示軍威

二十五日發霽霽

孤城踰山脊未曉生海光
閩帆已收舵越客方嚴裝
出門履春露遠聽雞聲長
是時萬山雪出沐晞朝陽
炊煙蕩深竹前路天蒼茫
何用慰旅愁時有梅花香

柴橋

霽霽望柴橋復似來人閒
柴橋亦何有蛋兩人煙蠻小
聚近千家巍祠朝衆山桓桓
宋副使

宋兩河副使劉幹字仲偃
九捷

銘刀環兩宮既北狩有憤不暇潛片紙付兒輩二姓余
何顏誰謂人心殊大節立懦頑岡西古佛寺題識何班
班至今有生氣血食來人寰康熙歲癸卯降神告市闐
旱蝗汝呵護飢溺余恫瘝壁間讀遺挂英風誰可攀忠
義不我負胡爲踰大閑君看千載後香名遍荒灣

由新茶亭抵阿育王嶺四首

分路鎮方庵西趨育王嶺轉轉入山腹巖岫變光景循
河問瓔珞絕底走雲影亦復開平田了了數煙井綫路
爭牛羊佛法本平等小憩萬鋤山茶禪偶心領

河水深更碧松嵐春尙寒倒影落明鏡乙乙羅煙鬢梅
花菜花節東橋西橋灣時逢拾翠人盪槳空明閒持花
尙獻佛濺裙殊未還試教放兩手庶抵參三關

新安有廟貌乃祀江文忠八門我肅拜殿角生長風襄

樊事已矣五國悲無窮江神呵護奇村社烝嘗豐直道

在三古人心忠義同英靈孰來往東西兩劉公

大礪祀
劉器之

先生柴橋祀
劉仲偃副使

高巖屹湧現上塔中天懸奇光感薩訶一閱餘千年林

巒被慈蔭早暮生祥煙心知阿難迹卽在飛雲邊攀躋

恐中墜化石當誰憐前途有歸宿洗念朝金仙

禮舍利塔作

見如白珠

佛自在我心世故縈擾之我佛向不見何用舍利爲山
僧苦勸客隨人具威儀乃以色相見反生無相疑示我
衣中珠微意我自知八萬四千所想像當如斯可憐難
頭禾辛苦爭佛髭歸來扣方寸光明恐無時輾轉不得
眠中夜生深悲

阿育王寺晉松舊有放光之名頃遭夷辱全樹就
萎余擬改爲忍辱作歌紀之

神龍東來朝舍利癡戀佛光飛不去飽餐晉雨櫛唐風

鱗甲離披成老樹甘隨烏石守江湄親見才坤灑墨時

山有烏石成袈裟紋相傳諸僧隨阿育王安舍利塔已飛渡海去其未得道者墮地化爲烏石又方丈後巖有

葛稚川書才坤二字枝杪能回萬牛首曾元已養千年兒聞道松

堂開玉几光景俄隨笑翁指三生圓澤不重來百丈虬

髯今若此張樛寮書玉几松堂額尙存寺中張嘗問笑翁舍利何在翁指松曰見否卽有珠光纍纍

遍綴枝杪故名放光松笑翁語張曰此松枝到地吾當復來計去今六百餘年松枝到地亦已數十餘年頃且

萎兩枝委地三撐空我未拜佛先拜公前身行者倘見

許蹉跎不及聽天風問僧未語色先黯在歲壬寅賢劫

慘龍天也避阿修羅羶燄漸汗金齒昔卻敬蒼官爲寫
眞摩挲一夕風雷嗔滿川花好畫不就思人樹化星應
淪僧言夷人時來撫翫兼寫其真以去吁嗟誰受大夫
爵遼海歸來愧元鶴岳家畱柏解旌忠孔林有檜能重
活此松未死會逢春語僧封殖戒蕘薪改名忍辱從今
始莫更放光驚世人

二十六日發阿育王嶺入寶幢河至鄞縣四首

我適天上宿衣有天邊霞啼鷺遠送客一路看梅花穿
雲久已厭入船如到家湛湛寶幢河脈脈新柳芽一篙

破山影中林驚乳鴉回頭望玉几漸有浮雲遮

天童倚大白夙昔擬乘興松風二十里在眼如可聽萬

山拜孤雲一水蒼寒磬潮陽亦鄉里臨濟幾宗乘未可

煩供張寧當負名勝筇枝期後遊屐兩有前定天童寺有

孝陵御書柱聯云孤雲臥此中萬山拜其下國初僧木陳潮陽林氏子頃賴明府聞余將往遊大具輿從

以待因不果行

育嶺有徐碑大和乃重摹徐嶠之書常住田碑燬於寇太和七年范昉重書今石存

舍利殿左寺僧惠拓本展讀忘飢飭宋文始賜田梁武蠲其

租辛勤歷七世以有千金湖綬濟曠簡皎惠法凡七僧我聞王舍城

至尊享沙麤目營與心嗇亟亟胡爲乎

河流自空宕人煙漸淒迷搖漾鮑郎山掩映桃花谿閨
年氣尙早桑柘綠未齊高樓問海曙俯見通關低年年
橋上人憧憧走東西笑人亦自笑此豈吾安棲

二十七日發鄞縣至四角亭

月湖生曉烟開窗見新柳春風入庭戶清景非我有南
門市何早北渡水亦瀏孤亭指四角老樹森半畝蜂寒
得花遲僧貧待茶久前遊憶歲月忽忽一回首勞生感
行役伏處歎株守臧穀均亡羊得失誰爲剖

撐冰出玉風骨奇疎枝冷蔬花神妬醉遊何似庾嶺春
臥看彷彿羅浮暮若使移根石橋畔逋仙未必孤山住
君到閩中何時遣武夷靈鷲爭躋攀食霞吸露興轉豪
應留老筆蒼崖問昔我有約遊寒泉蹉跎歲月登臨慳
聞說崇安清獻梅依然古榦莓苔斑爲我圖寫歸稽山
朝煙暮雪時時相對開心顏

同安劉汝楠題湖上有山烟未開壺中有酒月未來烟
開月出淨如掃湖光却映山陰道山陰夜雪下漁舟梅
花開滿鏡湖頭天地鴻濛不辨色山川窈窕如相求此

時萬卉盡枯槁雪色湖光晴白好應知造物無盡藏却
放幽人有奇抱君不見姑射之山有神人容膚綽約嬌
生春又不見河洛之神曰宓妃彷彿飄飄去若飛郢國
梁園總如此江南春事從茲起縱酒揮毫羨吾子

金陵焦竑題湘江水落零雨絲羅浮遙遙夢難期華光
一逝孤標盡貌得寒梅第一枝肌膚綽約如冰雪翠袖
輕盈弄明月籬根竹外無人知瘦影橫波共清絕劉生
劉生老彌壯半幅生綃傳意匠剡溪美人襟抱奇對此
悠然得真賞披圖颺颺生微風春入深巖雪漸融恍疑

身在孤山道十里林巒香霧中

山陰王思任題吁嗟乎雪湖叟自言與梅花有夙緣行
年九十畫梅八十年興來潑墨墨欲仙清標古幹稜稜
然蔓雲霧而摩蒼天大枝氣魄雄且堅老槎泛斗挂張
騫小枝秀發花更鮮壽陽之額姑射之膚時有虢國夫
人耶溪女子爭來妬巧奪新憐繁紛冥晦猶廝裊萬箇
千顆俱各正有時小草折一條數點輕飄影自蕭紅雲
淩亂胭脂碎赤玉神仙醒亦醉卽將素楮吐白花浮香
暗舞墮誰家圈銀掃鋏提箕尾不覺橫披急斫倒懸斜

撒俱天葩露冷霜凝月正睡粟膚飛燕全無氣此際人
間清不知那知天上清何際劃然怒風折龍鱗秃爪蠻
腰厖喧砰磕滾狂霆觸山攪海奔且驚而時項羽大戰
章邯正破軍翻落天河十萬里神鐘鬼鼓齊考鳴須臾
六出鋪五葉海綃埋骨迷顏色獨鶴孤山兩黯絕灞橋
驢兒蹄誤蹶吁嗟乎雪湖之梅有如此其甚奇風雲月
露何弗宜雪湖之梅梅足譜後可以無今前亦可以無
古技癢酒正酣脫臂便登廬骨節是專車筆法大劈斧
張顛小兒空濡叫公孫娘子走不舞至今畫處壁生雲

前途舊識湖陳渡莫遣清溪照鬢華

湖陳宿

平生山水不曾廉三宿湖陳野興恬一夜溪聲搖燭影

半空嵐翠潑樓簷觀河事已滄乘改

主人言甲辰溪漲樓傾今始改建

到枕潮疑風雨兼莫向征途論歲月階莫明日一萌添

三月初一日發湖陳度西溪嶺二首

十里長林霧不開春山未醒我先來但知路繞溪聲轉

忽有潮浮日影回晴野客程乾鵲報遠村日飯曉雞催

七年書劍重搔首認得梅林古煥臺

嶺西煥臺明胡梅林防倭所建

穿盡叢筍路阻修西雲庵頂試回頭炊煙白現華嚴海
山影青搖芥子舟林鳥一聲行不得瀑泉千尺去難留
客程定被雛僧笑也逐溪聲下泗洲

泗洲頭去嶺頂十五里

霞前渡

飯罷洲頭路舊嫻菜花深處認彎環波鋪錦綺霞前渡
田劃袈裟屋後山風雨尙思前度險

庚子過此風雨有詩紀事

簡書

難貸一身閒滄洲羊石無消息門戶仍防銅瓦關

時往石浦

查銅瓦門各處礮臺

霞前渡舟中作

一山臥中流四水趨大澤嫣然明鏡中有此娥眉色飄
然孤艇泛因之退潮力長天入遠海南望浩無極分明
拓耳目今古盪胸臆東風一披拂弱櫓乍欹側與人實
天全登舟已酣息猶遜雙鳴鷗皎皎振霜翼

放歌三首

人生何者自羈束十丈紅塵強徇俗杭州一住動七年
雖賦閒居苦忙碌低頭官鼓祇厭聽空手債臺那許築
豈無薄奉助薪水亦有虛名帶兩局登復局清查局出門半月
已斷炊寄書屢賃監河粟嗚呼古稱行路難行路思家

那忍餐

人生有命我得知雁過畱聲豹畱皮何曾餓死沐德信

豈有易心吳隱之羅侯

姚餘

昨饋金百餅曰無所爲吾誰

欺畢公

海鎮

無爲辭以贐苦累州縣應非宜篷船茆店自

託足此意豈與供張期嗚呼軍儲八百萬但染鎗銖當

飽飯

人生好作田舍郎抱孫課子不出鄉東風漸長三白麥

老困幸有經年糧築隄已就放春雨賽社歸來眠夕陽

梅花桃花菜花香清明未來遲種秧牽牛洗耳上流水

養鴨呼名春草塘
嗚呼官府莫渠羨
不見馳驅塵滿面

田下嶺

田下亦有嶺雲中應見潮
春花農事急初日海聲驕
煙樹圖難似風檣望不遙
壯懷時警我天半有鳴鵰

昌國城

右提青部左高唐
皆山名對面仙屏風
隔大洋跨十三山

作城郭看千萬里過帆檣
古今興廢無常勢
城爲明初信國公湯

和建國朝設昌石營都司率兵三百二十五人駐此
營下守備率二百六十人駐石浦道光二十三年奏定

善後章程併象石東西此巨防
象山在東北石浦在西南五百年來

經濟遠居民香火尙思湯

石浦

西南北面控青山東海分流半角環
品字三門通酒港咽喉一綫扼銅關
帆來浦激魚雲黑人雜甌閩鳩語蠻
道是戰場堪歎息戰場春草不曾殷

銅瓦門

銅瓦開門接怒潮潮來天上目光搖
白浮馬來牛欄嶼青點棉花橘樹礁
兵甲可憐風鶴散樓船誰縱海鯨驕
古來天險須人設莫恃咽喉路一條

辛丑八月初二日
夷船由此門入石

浦登岸毀礮耳
焚一艇船而去

初三日發石浦

海外腥雲夜有聲倒吹寒雨入山城癡憐瑋瑋乘潮上

豪恃檳榔破瘴行

居人相戒早起云有瘴也

金漆門遙防暗渡銅錢

帷廢見春耕

金漆門通南田歲有委員駐石浦禁民偷渡銅錢帷孤恃海心正當銅瓦入門之路

往歲防夷於此安礮事平之後所築礮墩已爲居民毀去墾爲麥田余屬譚竹君明府修復之

肩輿又

指湖陳去歸路西來第一程

使婦無禪可若何出門一笑柰奔波顧郎自是難衣食

竹君贈百金卻之

原予何嘗廢嘯歌已看海山增老福久拚詩

酒敵窮魔東南忽拭憂時眼腰上蓮花擬重磨

春風

如虎春風怒不休長雲北指似戈矛

所見如此

輿牕坐見東

瀛海一點驚帆替汝愁

半嶺至裏山路中

裏山春水碧半嶺午雲寒樹繞根頭顧花圍裏外

韓山根

顧井頭顧裏韓外韓皆村名

風潮行客渡煙雨釣魚竿明鏡芙蓉色

輸他盡日看

雨中度西溪嶺二首

小憩金山庵遙望西溪頭嶺路十三折了了雲端浮浮
雲尙可登風雨不得休冥心付輿子聒耳仇鳴鳩攀躋
滑無磴搖兀輕如舟濃嵐一拂面亂水爭道流庵僧遠
歎客霑溼憐衣裘我裘不足惜僕夫無褐愁

西溪不易登登亦難駐足俯首窺叢篁浩蕩無底綠穿
林逐歸鳥微路幸盤曲青山出迎客一一喜膏沐溪聲
凡七渡雲氣非一族遙村起炊煙人家飯應熟菲簷雖
逼仄婦子共饘粥如聞譏遠人何者自碌碌

初三日湖陳阻雨

天上溪聲壓夢來，小樓如艇勢危哉。
聽殘風雨狂無賴，眴極雲山黯不開。
萬樹塞牕新瘴起，千雞爭曉怒潮催。
雞販十餘人同宿 梅林北望知何處，一寸心愁自往回。

早飯後發湖陳至里安

客行亦有程，苦雨趁初歇。
松風盪新嵐，拂面如可接。
仰首視飛鳶，墮水何跼跼。
據鞍心尙雄，寄書氣先忤。
潮平碧無岸，河廣急有灘。
厲揭捧我輿，閉置不敢看。
驚呼散鷗陣，安坐慙漁竿。
旣濟慰僕夫，告余行路難。
王恭亦有嶺客路，何時平青山。
待我久巖瀑，爭來迎霜

縑挂翠壁正映桃花明無人自怡悅亮非時世情
溼雲晴不歸怒雨止還作海上來天風筍輿乍飄泊蕭
蕭聽篷背兀兀趁行腳問名愁里安前路方岵嶧

里安嶺

嶺雲千樹寒嶺路一痕白海雨飛送人山泉下迎客松
濤作鼓吹巖瀑展笙帛帝觴疑可霑遍野皆玉液水色
鹹白
與他山異此游殊不惡未敢厭狼籍世人戀安居何由選奇

僻

風雨度桐嶺二首

桐嶺蒼蒼勢積高橫眠天半捲波濤大瀛海抱三峰轉
噫氣風催萬竅號麥隴梯山青疊摺筍輿衝瘴碧週遭
雙姑怪汝操雲雨山有雙姑宮不念行人往返勞

松林吹霧溼丹梯已走人間百道溪爭怪天紳千丈落
直飛銀竹四山齊晴歸海外仍宜晚天到峰頭漸覺低
偏是前途遮望眼杭州只在亂雲西

初五日發梅林

陸行愁雨江愁風我避橫海來山中

由寧波渡橫下潭海口至吞浦較行

寧海近百餘里橫下潭一名橫溪凡海行八十里

夜雨灌田晴送客安排雨好

煩天公灌田已足多且溢爛到瓦雞山下麥出門回首
望東南苦恨濃雲蔽朝日

西店口號

桃花如火萬枝紅開遍山光水影中城裏人家求一樹
朱欄玉砌護春風

柵口嶺

睡過寧台柵口關

嶺北寧波
嶺南台州

不知松裏路轡環朦朧一

拭雲頭眼已見梅家丹井山

奉化道中寄懷姚梅伯孝廉

變卽題其大梅山房

集

姚君前夏過我飲手持蔣侯薦士詩蔣子滿孝廉傾囊出示

一尺稿高跨駸駸追娥曦自闢鴻濛建旗鼓主此世界

非君誰眼空四海亦許我懸竿午景深相期見贈詩有午景懸竿

之一別蹉跎忽三載寄章未報慙嘔峴逢人問訊每譏

笑苦道箸書常忍飢近箸玉樞經筵已成君知時尙逐腥腐鮓朝

朱頓當門楣吟詩作賦世不要看我自好如君癡七年

湖上餓不死訟檄又作東西馳四明突兀蛟門奇春風

吹船滄海溜春風吹來復吹去青山滿眼誰相知念君

賣畫且沽酒閉門日對遠山睂

昨於賴芷泉明府座中見君姪人倚梅圖

固

窮如此自可樂俯首何必爲人羈明朝扣戶踏春雨握手莫使杯行遲醉索新詩仰天讀玉壺擊碎從渠嗤

初七日發鄞縣畱別朱述之姚梅伯

嶼花漸含煙島月新上弦畱人碧沚亭送客姚江船姚江渺何處潮來復潮去君爲碧沚游濛濛柳汀曙試登逸老堂望見天童山載酒幾時到吟詩終日閒閒人歎寂寞行役隨漂泊銜杯憶儂時已在蓬萊閣

初八日盤大西壩過江入小西壩

破夢驚聞夜語聲裏江水退外江平濛濛大隱山前霧
吹過船窗報曉晴

清道觀

道人終日掩柴關懶極癡雲不出山應笑江潮最辛苦
往來今古不曾閒

舟中讀姚梅伯所著玉樞經籙賦贈一首

月脇天根盡此中何須辛苦注參同博疑漢代淮南子
簡比當年河上公天上三千看積善海間九萬卽搏風
彌羅館裏如宣奏乞與金丹救五窮

泊姚江

挂席清道觀倚橈靈緒城長風八十里力與退潮爭石
匱奇書少龍山秀氣橫越材如屈指吾拜後文成陽明書院
在龍泉山上前明浙人有兩文成公前文成公謂誠意伯也

初九日早抵梁湖

新柳淡黃色春煙濃白時清晨自相媚夢夢無人知東
風一披拂流浪生微漸於役歎行邁閒情方在茲眷言
捨輕棹回首姚江湄

曹娥廟

逆水求屍出皇天格至誠從茲江改姓奇絕石畱名

謂

巨錫類偕同里

宋上虞朱同女年十歲救祖母被刃死明山陰諸士吉女八歲上書申父兄冤

就釘牀傷死今

明禋啟列薨君看狐鼠輩愛敬有同情

皆配食廟中殿外有宋蔡卞補書碑殿東側有明太監集李邕書碑

寒食

沃洲山影晝淒迷故故林鳩向客啼風雨不歸寒食節

煙花無賴若耶溪愁邊畫舫催絃管

越俗上河皆裴裏

家書報鼓聲

甬東傳聞粵中民夷交戰而余自二月南行至今未得家書也

今日五羊

城北路緒錢麥飯幾人攜

過紹興擬攜近作就正朱瀛山太守聞其赴滬海

所賦寄一首

蛾眉山上晚煙痕句踐城頭野色昏見說驄車巡滬海

自憐布鼓過雷門

今謂之五雲門

觴遊已散蘭亭會琴調須傳

白塔村最是清明風雨節前途一例斷征魂

初十日早過蕭山

昨渡曹娥江暮過句踐城長風送短櫂一夜聽雨聲娟
娟蕭然山破曉篷窗橫菜花照新水誤眼疑朝晴晴光
幾時開水長亦以平低田有爛麥高樹無流鶯沿明見

新柳觸我思歸情微聞僕夫語今日當清明

歸渡錢塘江作

不辭沿檄歷艱難又向錢江照髻斑農事關心來去雨
客程回首萬千山清明時節悲歌裏吳越人家杳靄間
百尺壯懷吾未減新詩收得海聲還

以上節鈔
銅瓦集

吳山元慶房雨中作

簾捲晝漫漫湖光浸石欄夢經花外溼春在樹頭寒愁
絕農桑節誰司雲雨官道人且高枕民事正艱難

吳雨

三月二十日籍田攝
僊回盼粵書不至

吳雨千山接越雨暮陰一月連朝陰誰能吹笛萬波息
便恐灌城三版沈香市茶園午煙寂菜花麥穗春泥深
犁田歸來坐扼腕羊石兵戈無信音

二十三日海會寺作

雨從二月盡三月南白明州連潤州

顧士美頃自無錫來言常潤並自二

月中雨至於今穀雨春分夢中過吳山越水雲端浮倒翻碧海
作新瘴高坐白衣生古愁幡蓋香花下天竺趨蹌肅甚
東諸侯

二十六日遂晴

久雨苦岑寂驟晴人事繁春泥殘麥醒窗紙蜜蜂喧萬
物待生意三農悲水痕愼無忘在莒勤儉答

天恩

四月十三日富陽道中口號

煙波洗出富春山見我公車幾往還又照一麾江海去
忽忽三十二年閒

發富陽過桐廬至鷺灣泊

潮雞催曉出鹽關邪許聲中遠夢還萬樹飄回滄海霧
一窗開出富春山畫船何處傳簫鼓明鏡終朝擁髻鬟

百里桐廬畱不住半帆風日泊鷺灣

十五日七里瀧作

誰知山色外猶有路千盤一水迎人出半天飛翠寒畫
眉沿路聽纖手捲簾看畫裏攜家去渾忘行路難

七里巖灘路清和四月天波平山落影雨足樹含煙老
翠石爭出高紅花倒懸西臺今夜月何處照啼鵲

十六日發邵里

萬山吹綠灑空江晴入頭亭雲母窗照水笙竽風嫋嫋
隔煙鉦語曉辭辭餘花未落三郎廟遠夢猶縈七里瀧

回首杭州飛鳥外尙遲崔嫂碧油幢

十七日望同善不至發蘭谿至金華

西湖南海望漫漫千里來承遠道歡意外相逢原不易
人間歧路正堪歎二分銀漢當心月五百金華上水灘
今夜溪聲圍客枕夢歸無路見應難

十八日發金華六十里至交道宿

平生心事野人期每見青山便有詩上道又拚三日睡
紀遊須盡十分奇高田待雨溪聲渴復壁畱雲鳥夢癡
六十里花香不斷陰晴天氣可相宜

十九日發交道

秧田一夜雨曉氣凜以淒羣黿若有喜閣閣鳴聲齊我
行武義野到處逢鉏犁微風皺山影田水如琉璃雜花
半黃紫無人爲品題亦復自怡悅照影臨山溪物理本
自足達者庶不迷永懷鹿皮翁長歌養天倪

內白

藹藹芳原曙色昏驚風吹雨澗聲渾雲程尙阻高青嶺
花氣周圍內白邨聽鳥林亭隨處有歸田心事與誰論
人間正好栽秧節暫爲行人放曉暎

館頭

一碧館頭嶺到來生午涼古雲皴石氣深樹俯溪光策
屋應堪老停輿惜不長前程黃碧近田飯出雲香

山行雜詠

野棠如雪萬千枝記得深閨浴種時道是蠶花親指似

要郎添入紀行詩

路上野棠盛開蘇卿言常州謂之蠶
花花開時蠶始出也其名近雅索詩

紀之

雲中幾度碧桃開一別仙都歲月催只有黃龍邨外石
見儂戎馬隊中來

縉雲深處白雲鄉終日溪聲繞縣堂祇隔街西三里地

南流甌栝北錢塘

雪面蓮心各署名

茶箱皆書雪面蓮心雪花揀雪壽毫巖毫瀝面諸名

選山辛苦

遠經營從知傲得浮梁賈千里親攜阿輦行

漸入山深石氣涼荆阮行到趁斜陽朱門扃著馮公廟

不得行人一炷香

二十一日發荆阮贈蘇卿

雲裏迢迢計旅程催衰勞汝聽雞聲定知不負桃花色

今日桃花嶺上行

丫頭嶺

一嶺迤以西一嶺環而東兩嶺遞迴薄遠與雙丫同是
時曉氣肅盪野煙濛濛我行路一髮乃入雲鬟中瞻高
尙有山俯暗惟聞風颯然過疎雨溼翠何萋蔥奇峰出
雲海飄泊如孤篷霑溼愁人情奇勝煩天工前程積分
寸遙指孤生虹

桃花嶺雨中作

貪看巉巖翠掃空忽驚蕭颯打烏篷野花側面聽朝雨
徑竹回頭避北風身外雲聲殊漠漠人間日腳定瞳瞳

塵蹤又汚桃花嶺避世無因古洞中

自桃花嶺至處州

山腰一縷白雲生飛過前溪變午晴喚醒肩輿千里夢
松風篩雨灑泉聲

三望桃花

皆嶺名

不可攀東來漸減勢孱顏世人莫作雲

頭看只是餘青一角山

謂餘嶺

雲中飛出水聲驕百折千回去路遙兩岸青山攔不住
甌江待汝敵春潮

吟詩正好和泉聲人吏紛來已遠迎三百里山看未足

晚晴開出栢蒼城

躡翠盤青往復回
好溪行盡惡溪來
黃旗映出蒼山色
泊著紅船待曉開

二十二日石門洞作

君不見青田山石門
蕩蕩開天割銀河
一段錦下洗濁
世袞袞之塵埃
不然春雨夏雲秋霜冬雪
有時歇山靈
氣力那得萬古不竭
如奔雷自從謝客來
高館久已頽
石月不改色猿啼有餘哀
文成昔未遇
養此王佐才
天風鳴夜泉
吹上讀書臺
雪聲噴薄自今古
坐對更有何

人哉今日復何日吟聲動蒼苔永嘉太守弭行棹攜妾
花前歌落梅擊楫萬里酌水一杯風雨橫集雄心未摧
丈夫生世有事業豈但九天咳唾飛瓊瑰功成它日挂
冠服眼前雲漢方昭回乘槎從此去笑許天孫陪有客
資糧遠相訪但與支機一石塞斷蓮花泮水不許輪船
相往來

初十日祈雨口占

杭州春祈晴溫州夏祈雨雨晴千里天羸絀遽如許芄
芄我梁稻藝藝我稷黍甌江萬人命繫此雲一縷杲杲

何不仁稽首問府主庶幾俾滂沱去此酷吏暑蕭然民
有生青疇看客與笙歌報秋成熙熙花神宇

六月朔作

日出城東積穀山海霞如錦散龍灣朝朝賺得農民淚
不遣江雲帶雨還

廿二日作

斐几湘簾日正長綠陰深處坐斜陽更無塵到冬青館
時有幽蘭自在香

題墨梅

礫礪都云酒興粗藉它風雪蓋模糊交柯亂蕊晴堪數
看取徐家萬玉圖

一朵鮮花五箇圈圈圈生恐不團團十年費盡如椽筆
又道圈花不要圓

簇粉團香各悔遲苦爭冰雪性原凝百年老朽春心在
也向風前放一枝

雲擁珠宮向曉開冰霜窟裏有春臺定知不是孤寒相
玉珮瓊琚宴客來

被髮佯狂真隱士逍遙負杖亦高人少年畢竟天機淺

便學天桃媚好春

章環詩

道光丙午七月十四日溫州大風雨郡聽事前
神章宋物也東枝折焉余旣取其小枝裁慮僂
尺餘節中空有環天成文蟠四龍徑周尺六寸
厚寸一分以示楊子萱大令首作長歌余亦以
詩紀之

一龍禿尾一昂脊兩龍對語勢相敵一龍背行如追奔
前有龍子遊網繻紅霞碧浪何繽紛乃是老鐵章環之

木紋此章相傳宋時物永嘉太守堂前植根蟠太玉洞
天泉枝拂七星城上日六百年來閱世工龍族何年巢
此中揚光飛采不自晦搜怪忽來西北風龍兮血戰初
不服力倦東枝且潛伏一聲霹靂天地崩壓倒東廊十
間屋太守散衣歌慨慷摩挲惜汝年壽長按圖裁作慮
僂尺三百用壓歸山裘餘節輪困擲墻角瞥見中空疑
抱璞一環探出萬人驚首尾相尋謝雕斲蒼皮四絡紅
蘚纏剪皮剝蘚登几筵四龍入手儼無恙張鱗奮爪來
蜎蜎我生廉隅自修飭方體推行殊費力木環忽贈玉

環人

將之王
環本任

无首從今學龍德石之有蝠竹有鳩

舊有
普陀

多蝠
石天
台鳩
竹杖

平生長物皆清流添君伴我作三益生還珠

海歌刀頭

八月十八夜夢登鎮海樓期樊昆吾不至

高樹起寒色晴江生遠空

夢見楹帖書此二語歎署一
卽之樓中實無此楹聯也一

樽成坐對絕境許誰同宦迹仍窮海生涯實轉蓬羈愁

與鄉思搔首向西風

劉以言秀才

彥揚

因同兒來索余畫梅紙有餘幅

因憶歲辛卯與尊甫獻臣秀才古階平孝廉李

曉原大令同遊蘿岡月黃花白酒濁香清此樂
忽忽如前日事耳不及二十年死生離合盛衰
之遭靡所不有感慨所系題詩識之

蘿岡洞裏香雪時憶其閒人銜酒卮古李徐劉有高詠

四人古李共徐
劉獻臣句也

此樂正憂兒輩知十年人事誰能料才

大先趨玉樓召

謂獻臣

生存漂泊亦堪嗟那向兒時憶游

釣李侯乞米誰華邊

曉原需次濟南

我臥孤山動七年雁宕把

麾聊復爾羅浮歸路總茫然古公終歲守環堵

階平

書來

只道圍城苦出門訪友半死生零落知交稀可數聞道

賊航犯虎門烏深兵甲忽雲屯軍炊燒斷荔枝浦繫馬
嚼殘梅樹根幸是離羣畱夢想重入天台應悵惘剩水
殘山訴客愁不是當時塵外賞題詩寄遠一傷神欲問
青山長臥人舊遊已負花間月從今對酒休辭罰

重陽日攜同善遊孤嶼作

羅浮歸夢水茫茫北斗城高欲試霜孤嶼風濤仍萬古

一麾江海又重陽白魚紅稻知豐歲

今年浙中十府報災惟溫州獨稔

碧酒黃花似故鄉擊楫壯懷衰不減環山只在赤欄旁

將卸事赴
玉環任

飛霞洞作

水連山斷路陰幽，纔隔城闌卽勝遊。
老洞密屯三里霧，

古樟橫占一間樓。

古樟一技大可合抱穿樓南出不見其根云樹在城內也

須謀白

酒酬佳節已看黃，雲報有秋他日登高論勝地。
謝公巖

畔記句畱

余借帆二尹

方舟

重九感懷有三朝六十四重陽

之句喜其語質氣豪效作一首

修名不立髭毛蒼，每到秋來感慨長。
歸路四千三百里

杭州去粵三千三百里
温州去杭又一千里

明年五十六重陽，羈愁白酒黃

花節宦迹蠻煙瘴雨鄉山海遄迴正多事師承多謝益

公堂

余處郡齋西偏潔正室奉借帆居之

九月十三夜夢中作

一夜沙沙雨時時夢裏聞瑤琴不在手清怨與誰分舊
譜湘江月新愁隴首雪九腔十八拍字字是思君

郡齋四詠

老桂

宮月流黃露華紫老蟾嚙香肥不死一夜金風吹玉窗
堆粟離離散魚子影飄十丈仙霞深階前落花三寸金

登樓攀枝寫離怨鏡屏照見嫦娥心

神樟

樟何時生誰所植七年始分孰先辨識當時此非府治
分枝布葉于誰氏宅樟爾無言渾不知但見百盤煙翠
百丈虬枝有神雅千百噪日出求食斜陽歸集何離離
朝見治事暮見決囚強呼作甘棠樟汝不得自由建炎
朝蹕譙鼓北汝又遠隔不與迎鑾儔

温州府志建炎四年二月庚寅高宗

幸温州以府治爲行宮案是時府治在譙樓大街正北今都司署是也

爲我謂樟方今廊

廟需棟樑曷不徑入賢主夢青雲自致升明堂江干亦

有老樗散

江心寺前樟亦宋時物

動曰翻風自涼煖人世是非皆

不管何爲不私亦不官春來秋去雲漫漫戶限功名恰

類我摩挲瞻望生長歎

方竹

永嘉郡齋修竹竿十五五生夏寒土人告我此方種
不比碌碌青琅玕我重其名不敢狎一日斂袂十往觀
觚稜照眼且自喜澁勒觸手誰能干嗟今世態不可說
郭尖李錐非一般邪蒿媚柳競成黨圓荷側栢相交歡
如君通方豈復有玉水壺山鍾毓久不憂輪鑿世難行

每勵廉隅還自守我生入世往輒窮尚友常懷古人風

牟公祭剛楊震直

後漢書范滂薦牟融忠正公方又祭形傳武節剛方漢書楊震傳抗直方

以臨權枉

宣鄭身清張邴忠

後漢書宣鄭二王傳贊宣鄭二王奉身清方魏志邴原張範皆

秉德純懿志行忠方

嵇阮執器道不足

徐幹中說嵇康阮籍道不足而器有餘通變之謂道

謂器執方之

此君之德將毋同與君坐對爲君數扁弱雙孤

非爾伍

僧贊寧筍譜扁竹出匡廬山中弱者幼弱也加草者字筍濫也錢塘扶竹雙生孤竹三年一筍

筍成母死

交讓木端正樹爲君擇交伴君住杖成扶我方外

游甘露殘僧莫相遇

石筆

墨池亭亭衍春波誰此臨書持換鵞書成擲筆忽僵立
乘風化石青嵯峨健勢如椽力扛鼎移來府山照孤影
嫩苔捲髮爲添豪老筍漬斑同脫穎華嚴研石已無存
于里相望臺礪邨見說年年仍暗長看君百丈去凌雲

以上節鈔
東甌集

十月初五日由華秋渡海至玉環

天末分明望玉環潮迎風送路間關碧浮萬古朝宗水
青認當年識面山甫秦艱鮮猶待養能遵禮樂未爲頑
從人借問提封地指盡紅霞白浪間

十二日渡海北至楚門

轉遍螺峰第幾環遙青開出楚門關勞身又履中原土

倦眼回詢隔海山買米船多剛及稔出口商船皆至楚門請單買米讀

書聲好不嫌蠻龍司馬立小學兩所於此以王明經鄰吳茂才冠莠主之余親造焉六年

三度遊蹤駐憶著兵戈髯卽斑辛丑春兩過此

十三日渡楚門海回玉環

華秋海深不可渡一風三日畱人住頃十月初三日至華秋初五日始得

冒風而渡楚門海窄岸可呼兩日輕舟自來去去來民事總

關心不似閒遊費苦吟時勘陳家命案柏葉深紅藹片白慰眼

秋光亦良得後灣沙隩

俗作輿字書無之故借書作隩玉環地多以輿名下竝仿此

嶺重重盡日攀躋生倦容慚愧旁人說辛苦天涯民俗有淅風

赴坎門水孔口途中作

雞聲故故曉裝催水孔山南首重迴野菊黃開紅葉路
遠松青出白雲隈風吹曉雨天台去潮濊寒星日本回
海鶻梅花容管領樓船心事未全灰

海鶻梅花皆船名見新唐書楊行密

傳許德勲事

爲黃香石畫梅題

學海堂中百樹梅
雨前霜後雪千堆
隔離遙想拖藤杖
當檻曾教照酒杯
明月羅浮和夢寫
好風東海寄春回
故山鶴伴如思我
但道花開不用催

爲海幢涉川和尚畫梅題

珠海環山望渺瀰
書來千里索花枝
鐵翁腕底春無限
正要中峰百首詩

十一月初一日楚門送同善歸廣州

嶺南嶺北梅花開
遊人天末應歸來
頭白遊人歸念絕
汝歸已過羅浮雪
和順阮西有墓田
老子絲絲血汗錢

一半栽花半栽麥花時定說風塵客勞利兩雪事堪哀
入世應須經世才赤黑狐烏眼前足顛當門戶牢安排
洛陽親友殷勤告不是松楸無夢到歸計茫茫問海濤
坎門漁汎從人報坎門潮長楚門寬歲晚天涯別汝難
天姥天台好山水且憑詩札慰衰顏

楚門比租作

楚門雲樹照秋天日出東南海氣鮮魚汎乘潮入山市
諸絲挑雪上烏船人隨雁去五千里

謂同善

夢看花開十

四年

自癸巳歲出廣州至今十四年矣

明月羅浮不歸去又來鄉隩遲

蒲鞭

十一月復至楚門懷同善

楚門潮影接朝暉紅樹青山送汝歸爲政又憐書考拙
計程難望作詩肥官船似葉衝鷗過鄉夢如雲逐雁飛
方竹萬竿梅十畝老來心事莫教違溫州郡齋有方竹
昨令同善分其根
歸丙舍
種之

大風渡海

東風西下水南岸北來船打面橫飛雨騰身直上天輕
思爭鳥過危幸值驪眠平地終須到中流且浩然

十九日梅花下作

蘿岡花裏作生朝十六年來舊夢遙窮海風塵仍落拓
故山猿鶴罷招邀暗香疏影遠相訪茅屋竹籬論久要
和順阮西三百樹信余頭白理歸橈

二十一日催科途中作

玉環本海山適我儻蕩胸城市一閉置耳目爲之封今
晨冬氣佳晴雪盪諸峰出門且笑樂行趁漁樵蹤諸箔
香已乾麥田青漸濃脫帽看官府民氣甚恪恭勤哉三
尺鋤墾遍青芙蓉惟餘壁千仞未植茶與松聽我言諄

諄勿輕樹茸茸明年邀使君來看花萬重

五民甚勤梯田及山頂矣

其險峻石山方勸民栽茶種松故云

陰

華嚴海氣晝沈沈

華嚴浦在漩門外

九子山南帶積陰三十里

風隨客袂忽吹斜日上疎林

溫州攜楊子萱贈木瓜來湯汝邕參將

倫

送嚴暉

周廉舫孝廉

錦川

寄甌柑楊石可上舍貽斗櫛

姬蘇卿買福橘今二十三日同兒復自杭州寄

台橘北梨一時并集兼對梅花戲占長句

台州橘小福州大巖彈

黃巖金彈子即給客橙也

甌柑甘露箇宣城

木瓜香喫酒北地雅梨爽飮座六賢千里復萬里今日

何日肯相過巍然斗櫺三衢來俯視兒孫袒黃襪衙齋

無事只坐臥靜聽奇香塞屋破北窗梅花此時開海風

吹之若倡和一瓶默對左右顧移時不起拚忍餓人生

清福不易得偷閒便閒敢私賀君不見吏人撾鼓傳文

書雁鷺行來督功課

二十五日巡夜作

茫茫大地幾人醒獨上黃旗八角亭

亭在黃旗街北山坡上

巷柵

平分明月界

捐建城內外柵欄二十三座甫經工竣

城山高擁北風屏入

雲成柝寒驚雁出樹漁燈遠混星我亦自能容甯越不

聞橫舍更溫經

王承不鞭撻甯越以立威名見晉書

十二月初六日赴楚門途中作

弄曉野陰輕海晴山未晴烏巖潮水落一半白雲橫簷
雨潤寒圃裘霜欺早行烟中聞叱犢已有老農耕

草子遠逾赤菜花疎已黃田多翻及早歲晚務尤忙

野炊烟白黏雲潭水涼

涼水潭卽名見廳志今訛爲冷水潭

鳥聲迎喚客

斜路轉山長

故故暗香來梅花一路開不嫌窮海遠先領好春回明

月邨前夢孤山湖上杯去畱身計拙相對一徘徊頃得家書

頗動歸思而任雲邨書來謂將調回杭州辦理清查

鳳冠山上石照海碧巖棲息仙靈有流傳父老訛相傳

方國珍祖墓在鳳冠山上樵蹤開絕徑宦轍想行窩借問西庵客它

時載酒過謂林生增輝

琛浦石屏開山纔渡水來東南封禁地今古勒銘才

天語慈祥極民生熙皞哉相期遵道路海外有春臺於琛

浦平水廟北擇石壁書訓紀鐫之

徵租

一萬九千石穀租全餉兵

玉環歲徵穀租一萬九千一百九十七石七斗九升五合

例糶每石錢四百五十文積得錢九百文卽報收存庫銀一兩四季依永嘉縣摺報時市銀價折放兵餉今市每銀一兩易錢二千二百餘文是每放餉銀一兩卽須賠錢一千二百餘文計兩營兵歲餉銀五千五百二十三十兩盡糶玉環穀尙不敷兵餉一項之用而敢云聚異

兵米官奉役食及一切公費皆無所出矣

物

昌黎詩徵租聚異物

未得貸疲氓孰是牛羊牧而令雞犬驚仁

民慙水火

使有菽粟如水火

拙宦合柴荆碌碌匡時略悠悠望

古情由來司

國計平準有權衡

恒正集卷四
十二日赴古順途中作

三峽潭前烟火生
福生寺裏曉雲平
雨絲遮斷東南路
車首雞冠望不清

樹下門前翦翦風
輪囷烏桕嘯寒空
百年前是無人地
誰蹋霜華看曉紅

老城一帶盡高岡
田不成梯祗任荒
記取使君勤字訣
松花茶葉一春香

天半冥濛綫路浮
滑雲攀上老城頭
海風吹動如林石
爭道泉聲怒未休

瘴雲如墨撲肩輿海擁山圍畫不如笑是詩人辛苦得
無勞細雨說騎驢

食葱食艾性疎頑辣手當途慎往還莫倚成公隄曲險

且畱雙眼看江山途中有竊謂子手辣者蓋謂揀瞎大古順盜許小禮張三雙眼也

穿出籬腰一樹纔籠煙映水白皚皚從今覓得梅花伴

祇有環山雪裏開雪裏開高三尺臘月作花遠望之儼然梅花也

逶迤山帶出雲間古順邨場大小環未得開門臥明月

見渠童叟有慙顏時於小古順何家勘竊案

天海蒼茫又一奇青山也有盡頭時不教橫址遮東望

看到扶桑未可知

小麥青連大麥山朝陽薛疊

今呼爲小疊

路彎環傳聞筆路

荆榛日祗有饑龍占此灣

十三日書夢寄樊昆吾粵中

和順阮西棠夏東結鄰有約幾時同二分占竹三分水
五畝栽花一畝宮孫去讀書桐木屐客來射鵬竹枝弓
夢中一笑天還忌寂歷霜華響斷鴻

紅沙曲爲余借帆篷室郭媛賦

中年哀樂須陶寫縱浪誰能任釣冶明月方遲琥珀杯

狂風忽墮鴛鴦瓦鯉魚書札麝香薰前月平安甫報君

一旦紅沙更小劫

患沙證一夕而卒

六如清夢惱朝雲朝雲生

小檳榔社赤嵌花嬌閨月暇罨畫屏栽茉莉編鈔書筆

揀珊瑚架婉惠偏承郎罷嬌騎箕魂斷不能招移巢身

作民家燕望遠心隨鹿耳潮

媛爲諸暨郭觀察元道少女觀察卒於臺灣任所媛

隨生母居焉

自守鸞閨甘刺繡誰能龍戶論婚媾松楸守冢

憶頗黎門戶屈身同絡秀三蘿山色鬱青蒼人道西施

此故鄉大雷渺渺來書絕南浦年年別夢長

媛諸兄在暨陽者不

通往來借帆館於四方在家日少

夢魂飛渡華秋海倩影姍姍未應改

天涯夫壻忽傷春苦憶從頭十三載憶嚶憶笑總傷心

臺上初調綠綺琴並蒂花開移榻對同心酒熟倚肩斟

賦到元虛光景換鱷魚盈丈呼郎看試從瘴海說零丁

更憶歸舟同患難

自臺灣度海遇風飄至潮州

食譜鍼經又一時青

裙押佃費支持斷腸未御隱居服

借帆悼亡後擬扶正之固辭借帆先有二

姬然家事皆委於媛也

和淚重賡本事詩君詩多感悲難就我撥

哀絃爲君奏琉璃易碎綵雲消世幻茫茫何足究且喜

明珠出蚌胎階前玉樹手親栽伯仁外族原方雅遣誦

新篇慰夜臺

丁未元旦口占

十五年來汗漫行

自癸巳出廣州迄今十五年矣

今年海外賀元正風

吹繖葢高雲轉

四望青天日前一點雲如繖葢正青白色風捲之西行

日散桃花

半嶺晴萬戶耕漁仍有歲重洋砥鏡永休兵收身便臥

珠江月喜鵲枝頭識此情

初五日過西青嶺作

東嶺青青接西嶺我屢東馳未西騁西青何在在雲中
一朵芙蓉墮煙影石泉泠泠冬不歇況乃春陽氣方逞
久聞虬樹渡橫坡尙有殘梅照丹井野心待與農夫說

幽趣且共山禽領長風忽送海光來千里陰晴判俄頃
客程迤邐入此中忠信生平早三省人生何事苦行役
正好新年負光景茅簷婦子話團樂遙指行旌笑萍梗
樂清道中四首

樞嶼展海疆大磐已腹地而況蒲岐城設險無所寄前
人經營拙於此費塗旣殷勤守閭門外戶乃輕棄時平
論保聚亦可穿窬備春風入窮鄉女牆裊蘿翠百十羅
民居三五列市肆一飯憶因緣歲月忽如墜

去冬十月
初三日於

此早
飯

洪水昔滔天土肉多蕩滿惟畱石芙蓉海畔插巒翠我
行樂清野翠壁隨眼出森然不可狀記一十已失野人
尋常見問名半不悉可憐丈人峰日對愚公室材大亦
一病賦此塊然質本非園林翫棄置何足恤

世俗豔神仙附會古風月傳聞簫臺山天樂時自發此
語誠荒唐其人信超越脫屣青雲端萬乘沙一髮世人
逐腥腐升斗心力竭俯拾而仰取不自計顛蹙黃金如
邱山何曾潤枯骨時與談希夷庶幾悟恍惚

斜陽入西巖亘天散霞彩歧頭與黃華望望雲物改清

華山水縣抑鬱絃歌宰

謂鄢子久大令所

一爲雁宕主厯碌今

幾載會計困平準百事坐惓惓何當一握笑此病今日

殆君雖專六城

本城後所黃華磐石蒲岐大荆凡六城

子亦有四海

北海楚門

南海坎門東海後坡西海烏巖

下下拙催科僕僕增感悔

楊子萱招飲張氏池上樓

雨笠塵衫出釣舟珠槃玉敦會諸侯

會者慶雲浦觀察家海年太守吳平

一思權司馬朱竹軒濤別駕趙春山汝和達錫珊晉鄢子久所三明府

遊踪了了江心寺

詩境翩翩池上樓借得山來園有主

積穀山

催將花放鳥

無愁西莊給事杭州去孤負松筠一徑幽

謂主人張夢仙刺史

題所寓八字橋蒼雪鳴中古梅

腹中鐫有字云獨立江山暮能開天

地春隨園

老人題

江山幾朝暮天地多風霜美人且獨立一笑回春陽當時隨園老所至傾冠裳逢君乃低首贈之雲錦章邇來少知音寂寞煙水鄉園林屢易主坐閱人間忙我來映竹見初疑代桃僵婆娑老禿翁背負古錦囊誰謂一品石中有萬斛香時維春之初照夜森有光晝腹宵不夢攬衣曉徬徨汝壽吾不如我詩君敢當百年孰訪古一併思何郎

竹嶼

竹嶼城南竹徑開
開門高下長春苔
海潮未上山痕靜
且放溪聲作勢來

行樂清野望海上雲氣及雁宕諸山作歌

青山碧海紅塵中
天出奇景供無窮
世人自要塞耳目
房帷閉置同癡聾
今晨何晨樂清野
四山飛雨陰朦朦
橫雲冉冉界直瀑
短樹故故鳴長風
白沙嶺上一回首
海上湧出金銀宮
烟濤空水了不辨
但疑一氣甫始開
鴻濛大芙蓉
小芙蓉名邨四十九盤與天通
龍湫浩蕩自

今古想見青天垂白虹遊蹤正在碧雲裏五載一瞬何
忽忽尙能望見慰飢渴莫嗟官守難西東人生清福有
定分山水之報亦已豐壯遊五嶽豈不好貧無兩屐將
誰同幸緣沿檄訪巖壑絕勝踏壁棲蒿蓬

二十九日赴青塘苦竹嶺上作

教場溪邊春水生苦竹嶺頭朝露晴肩輿戛入雲際去
四山飛翠來相迎老夫十日不出城春氣已醉林間鶯
菜花布地麥繡野黃金碧玉紛縱橫十彎八彎迷去路
地名十八彎
只向白雲深處去山行半日不逢人逢人盡是

擔農具嗟我農夫勤可憐
諸田墾到青山巔自攜雞犬
天上住倦枕蓑笠花間眠

皇輿四海億萬里豈與小民爭
尺咫山頭水角地畸零
宅宅畋田原貸爾爾生容易

太平時教言自愛莫爲非
親親長長天下治長保青松

白板扉

例田三畝以下聽民自便不必報陞而玉環胥役以墾陞爲利總患長官上年押陞至一千餘

畝民間苦之余爲引例詳明出示停止

一路

一路松風鼓吹聲桃花引我入雲行
石屏照水春添翠

海鏡涵煙午不清人得耕漁都有福山從開闢半無名
天邊尚有閒田地擬築團焦老此生

青塘道中

二釣岡頭雲氣蒸殿廊勺水自淙激爲渠題作鵞漿廟

供與行人六月冰

二釣岡廟中有水冬夏不盈不竭味至清冽土人呼爲出水窟

塗田行遍到山田遠樹空濛盪暝煙回首青塘青不斷

八楞鼓

地名

外水如天

以上節鈔玉環上集

三月初一日曉度西青嶺

白雲夜起車首臺照見海光千里開雲屏海鏡自嫵媚

送我西青山頂來西山巉峽半天裏下有西溪行邐迤
蟾蜍石澀夜泉鳴芝藥圃香春露起一雙蠟屐久蹉跎
山鳥笑人勞者歌春枕方甜曉衾煖何爲世路隨奔波
我老奔波還自慰卽景尋思有餘味萬家夢影正茫茫
誰識人間平旦氣

曉行

春霧晴曉霞雨五行早驗農家語朝來作態媚行人霧
海霞天豔如許天公晴雨費調停晴礙春田雨礙行正
是麥塍龜坼處不辭霑濕盼篷聲

渡海

南風吹空春水驕西青渡口舟招招開帆旗尾忽東轉
來戰滄溟西上潮朔氣初生潮正王後浪奔騰蹙前浪
白馬千羣擁雪來直噴江埏山腹上柔櫓無功折戟便
一折南舷高拍天再折舷低忽侵水經時片席相迴旋
大地茫茫多輶軻狎蝶波濤余性頗其奈缺缺可笑人
亦知生死非由我羨煞茅堂倚翠巖菜花黃映萬松杉
老農飯罷閒無事高臥南窗數過帆

樂清道中

潮落華秋北青塗十里開農筐趨蟬蛤涵坦積烟良生
事勤原足勞歌聽可哀愧聞爭席叟猶道使君來

苦竹深盤路晴花煥覆簷風和初浪麥涵薄未霜鹽客
路逢春感詩程計日添四山空翠裏盡日不垂簾

竹嶼山頭石林林古翠屯門開天一綫座擁佛千尊白
日懸星象堯年積水痕誰能書押字躡屐上雲根

樂清船中作

永康船小猶是船

永康船至小余曾賦之

樂清船小車箱然一篷

三板五尺櫓側身入座無迴旋鼠穴蜂房蛇入洞縮足

艱難纔一夢潮雞莫送好聲來起舞直須防破甕柳市
南來近四更顛風忽作排牆聲掀篷高起向天際孤舟
幸不隨飛鯨浩然獨起攬衾坐仰視明星天本大卻憶
篷窗閉置時面壁埋頭是誰過此事悠悠堪歎吁微蟲
負蠖螺寄居試教自剝春蠶繭海闊天空樂有餘

初二日早發館頭

茅簷續夢待雞聲跋涉無端笑此行三渡海江河水濶
玉環海樂清河飽看桃李菜花明農田難望東風雨客
甌江凡三易舟路西瞻北斗城便與漁船齊入市開帆恰趁早潮生

初三日慶雲浦觀察招同汪雲槎士達葉玉成紹

春兩總兵家海年太守張子雲從龍參將興宜

泉廉楊子萱兩大令集孟樓作

染出江光湧翠簷飛來雲氣集彤幃陸文孟謝遊踪續

謝康樂有登江心寺孤嶼詩孟襄陽有永嘉浦逢張子

容詩陸放翁有同永嘉守宿江心寺詩文信國有北歸

宿中川寺及風雨陰晴晝景兼曉陰晚晴入畫不辭山

江心寺詩對酒孟襄陽詩眾山遙對酒孤嶼共題詩盡歡須待月

窺簾風流明日知難再莫計重城夜鼓嚴雲槎將返安

返福州玉成出巡三盤余返玉環

題曾七如

行東

自寫負擔圖

作負擔形前楷書
劉後一子一孫

斯人宗聖孫而作孔門壻觀其平生爲乃有莊列氣軒
冕謂桎梏筆墨以游戲自寫骯髒姿足見高士致題云
歲戊辰黃鶴樓下識是時宰江夏江漢傳傲吏未忘書
劍好猶恨子孫累一朝侮上官溫州得安置貧窮老病
死負擔弛所寄吁嗟人喜同而君獨作異才將命不偶
道與世相棄當年千萬軸揮灑不自秘我得窮居詩又
購澹臺記予得其白書詩十一首又澹臺考古記記澹
臺氏事三十七則其詩頃以贈家海年太守
囑其存王湛原不癡魏徵自嫵媚最後見此圖澤畔想

蕉萃載問其子孫式微可酸鼻太白託陳雲長吉阨溷
厠夫子猶有後念此且慰意完璧還其家非人勿輕示
君看腹便便中有窮途淚

初四日登舟阻風復回蒼雪鳴中看桃花作

潮水可信風難期我行恰誦青蓮詩雙門咫尺出復入
笑煞王家桃樹枝三日句留蒼雪鳴桃花簷外飛紅雨
觸熱衝泥請謁忙何曾盡意端相汝既去重來有意無
散衣負手數花鬚忽憶環山四十樹

玉環廳署桃花共
有四十二樹一白

一深紅餘皆宮粉淺
碧二色無俗品也

淺碧深紅煙雨俱桃根桃葉鴉雛

髻思我還應向花間碧雲日暮有佳期青鳥天邊無準
信落花多少數青苔合是歸來底不來清境塵心每相
左胡麻何止負天台

初五日發甌江

昨日空江上濤頭萬馬顛五更澄列宿一鏡寫遙天坐
憶摧帆險行看鼓枻便不知名利客何事苦爭先

由館頭至樂清道中作

五番睡渡樂清河清景霄騰夢裏過今日推篷先拭眼
梅均柳市好山多

茗山高出碧雲頭上有天池天上流
借問龍階庵裏客
自耕自食幾生修

大地黃金一色排
東阡西陌菜花開
請君細向梢頭認
點點星星積得來

韓門北去翠屏深
山氣蒼茫野色沈
不信縣城藏此處
東西請看塔森森

抵蒲岐宿

半晴半雨雲來去
我行直到雲生處
雲外海山招客回
天邊風水留人住
風吹暮色墮蒼茫
回首來時客路長

隱隱萬橋尋渡處雲心一角菜花黃

阻風蒲岐懷阿月

欲雨不雨天蒼茫雷車慙碌摧羊腸顛風捲海忽西去
先聲壓倒蒲岐牆玉環環山一百里渾在茫茫浪花裏
黃坎門潮退不成公婆礁石驚應起西倉澗畔碧桃花
夜來帶雨飛紅霞幾片打窗驚遠夢風吹不散春愁重
流連速喜算行人寐噫天涯知有因報汝平安書劍在
荒城古廟一鐙親

渡海歸玉環

我行客路苦遘迴舊雨新潮日夜催直到人間無地處
遙從天外御風回愁心不作山千疊壯志原輕海一杯
保障繭絲都愧汝歧途前去一徘徊

頃奉存虛谷中丞
調辦清查局務將

卸事晉
杭州

華秋詞

曉霧入舟亭午晴江埏山頂白雲橫江埏中路十五里
望望不到愁人情

大鳥聯翩接小鳥迎潮拍翅遙相呼迴颿轉舵忽不見
飛過船西方哺雛

盧隩烏巖青渺綿貓兒埏上生炊煙
苔山只在浪花裏
中有人家耕蜆田

芙蓉有路接楚門我往曾經五朝昏
華秋西青半日耳

帆下高眠君耐煩

由樂清出芙蓉大荆江夏至楚門渡海亦可抵玉環但陸行須五日程余

辛丑自玉赴溫嘗取此道

都待新船泛內洋又看舊艇變新航
從今穩渡華秋海

四面風來總不妨

額設二艇去歲一船年久漸朽龍見田司馬易之余抵任復造一船自是

往來兩船皆新矣

一船收埠一船開青八華三剛對牌

西青潮長八分華秋潮長三分開船

莫倚高帆七調戲鬪風且攏小灘來

自華秋來逆風船七戲抵西青若五

戲至小灘亦有路可登岸逆風謂之鬪風船駛橫風曰調戲

西青道中

星紅粉白散春霞開遍環山袴帶花若使寄奴還識得

靈根那許老天涯

袴帶花高三四寸處處有之抱莖叢開一莖多者十餘叢叢五花或六花

花四出有紫白二色其根皮柔韌椎爲繩繫身中遇刀棍傷嚼之飲熱酒傷立滅其白花者尤良

樵童花裏挂青蓑牧子雲中枕綠莎要賺使君開笑口

祇須唱取小兒歌

刊呂新吾小兒語散布民間有能誦之者

正是桃花爛漫時籠山照水總相宜春風到此無拘束

莫羨城中官樣枝

誰教狙僧利權操米價温州日日高心有諸絲三十萬

不愁四野聽鴻嗷

去臘自購及勸殷戶寫捐共得諸絲三十三萬六千餘斤現每斤減時價

三文零星發糶

池草園禽待我還朝來添得髣毛斑肩輿度嶺誰先見湧出東洋大鹿山

初九日雨

山氣朝來黯不分五聲八夜我先聞不妨試落花園雨

古詩小雨落

莫便吹開草嶼雲

草嶼在大鹿山南

渴麥青搖初

稍稍遠花紅溼尙醺醺青黃米價關心極未要新晴錦
繡紋

初十日度西青嶺至小灘作

竟日濃陰杳靄間出城高下數煙鬟溪光紅入桃花嶺
野氣青沈苦竹山農具漸隨春雨出漁船齊趁晚潮還
往來連日西青路只被林鴉笑髣髴

高齋

鴈署西偏
坐可見山

習池倒載許誰偕長佩裁冠與世乖不解向人歌下里
何妨到處作高齋刪畱窗草看生意坐對簷山寄古懷

差喜吏民猶不厭容渠海外浪形骸

徘徊

幾日東風氣候催巡簷俯檻一徘徊隔花山影屏風疊
出海雲聲灩澦堆客路老懷春慰藉天涯舊識月追陪
也知高興年年減且爲韶華進一杯

題七道士請了圖

作拱手形大字題云請了又云道士好閒遊一日上街兩三番

有客來訪可以如面但不能言耳道光八年戊子十月四日七道士會衍東七十八歲自畫印章五日羚羊挂角無跡可求日七道士曰會名衍東日七如日前某和尚其次孫毓忠所藏也

我初見君黃鶴樓身世茫茫擔百憂

先題其負擔圖再

見東甌籍城旦百尺崑崙貶崖岸逢人恭敬應自憐與
世委蛇原不慣題云道光歲戊子七十八年窮不死叔
寶風神彼一時仲翔骨相今如此七道士古之狂某和
尙未開堂終朝請了了何事俯仰空中吁可傷齊書張敬兒傳
聞當內遷乃於密室中屏人學揖讓答對空中俯仰爲君轉語君試測曉得分明
了不得本來面目在虛空誰是主人誰是客

西青嶺觀瀑布

平生所見瀑雖少而能奇雁宕吾第一於世品亦宜次
乃數石門龍須又次之龍石世不數西青汝何爲雖然

亦可喜是嘗埋我詩我詩煩汝守灑濯生漣漪山雲半
起處海雨初晴時我時躡雙屐與汝有夙期初看出崩
崖一片青玻璃觸石忽分兩裊裊多天姿寶劍乍交舞
霜旗相對麾再分逮三五大小蟠蛟螭天風一吹合滙
入空明池當其騁飛舞萬馬空中馳天地皓一色凜然
照須臾我衰神所憐福地使主治又恐困簿書特爲張
水嬉不知少霞子古來此棲遲亦復樂此否往事姑傳
疑瀑兮有神靈佑我春臺熙化爲三日霖使我禾麥滋
爲汝建高臺坐對而情移長歌互贈答相與樂不疲黃

龍斷鄉夢五泄休相思品爲我第四誰汝相瑕疵

十三日燕子來

雙燕何時來今晨忽相見初過柳外廊復入花間院猜
疑前主非商量舊巢便向人絮語何姍姍似說來時道
路難雨雪北風君不見春來秋去太無端年時曾此將
雛去秋月秋風畱不住又到中原桃李春供汝年年生
子處兼草爲樓花作茵重簾深處慣依人我亦高堂暫
時客銜泥休惹後人嗔

題二堂

小雨初晴日落纔散衣隨意步青苔雲山擁月迎人出
桃李傾花向我開好景定關他日夢此堂曾閱幾人來
短長吟罷山肩聳誤汝林鶯子細猜

二十日清明

東風吹海草綠滿玉環城柳色新煙動桃花春水生此
時聞杜宇故國又清明白首天涯客難爲去住情

二十二日楚門道中

琛浦雲開遠樹晴旋門船到午潮生山經久別如相慰
路是重來盡有情幽鳥藏花酣短夢草農車水事春耕

不須更問諸絲價操縱奇贏有定衡

西齋牆角草間牡丹忽放兩花行將謝矣向初未
之知也借帆折以見餉感而有作

怪汝奇姿出草萊愁君無地起樓臺也如空谷甘長隱
肯爲無人遂不開寢處尙饒山澤氣風塵誰識霸王才
若非拂拭逢青眼明日飄零委碧苔

二十四日籍田作

天上催耕鳥朝來到處聞捲旗猶待雨擁耒不嫌雲土
輭纔三墾春遲已二分綠簑青箬笠宵夢忽榆枌

此時同善

到家和順阮墓
田可開耕矣

牡丹已殘感賦

不道人間富貴枝，驕人也只半開時。
襯來碧葉春方好，起到重樓事可知。
落瓣任鋪青草地，新苞曾護紫綃帷。
可憐綠竹無花看，寂寞經年苦自持。

牡丹復開深紫二花

一日來看四五回，西齋廊角古牆隈。
雨窠鬪豔香成國，千葉嬌春翠作堆。
難報美人青玉案，試歌狂客紫雲迴。
怪渠偏受東君寵，得占便宜是後開。

懷古堂詩集卷四
二十九日沙隩道中

客途驚節序農事過清明秧綠鉞猶曲松黃塔漸成鶯
花催世態暘雨繫民生肯信鳴琴手低心羨耦耕

後灣道中

家家車水種秧田漸近清和打麥天怪汝林鳩無意緒
不啼春雨只啼煙

子規聲裏正思家慰眼青崖見散霞拋卻牡丹知得否
勞勞來看杜鵑花

華巖浦監哨作

渡海復登山肩輿冒雲去華巖在何許潮淺花深處旋

門一山隔密溪十里程

水行出旋門即華巖陸行由旋門繞至密溪將十里

滉漾

天海中翠壁搖紅旌兵車會兩鎮

黃溫兩鎮

樽俎容儒生幸

爲伐蛟蜃勿使成鯤鯨

葉玉成總兵甫於王孫洋擒斬洋盜二十餘人

長天入遠海島嶼知幾何世人戀喧卑尺寸興干戈背

篷旣透迤冲澹亦明燿

背篷冲澹皆嶼名

漁樂非外求諸收不

嫌堵永懷無人境世路日崩迫荒涼硯瓦山著我書巢

客

硯瓦嶼在旋門外海中長可二三里荒無居人

三月初一日考試示諸童生二首

四十年前舊考童

余以嘉慶丙寅年十五歲應童子試受知於陳荔峰師及今四十一年矣

風塵忽忽漸成翁
匡時未有天人策
勵已空持冰雪衷
遠志卽今爲小草
壯夫從古薄雕蟲
立言努力希前哲
轉眼蹉跎與我同

莫歎幽遐阻

帝京百年

教澤洽滄瀛
極東人物多春氣
到此文章得海聲
定有金珠出沙礫
還期鐘鼎副科名
老夫淨拭虛堂眼
看汝雲霄萬里程

初四日楓樹坑作三首

松濤麥浪遠芊芊
路入螺絲左右旋
已過山頭仍見海
試攀雲背卽登天
驚人鳥語穿花去
採藥僮歸枕石眠
淨掃茅簷開竹徑
更從何處覓神仙

地底泉聲天半聞
坐來佳氣領氤氲
松花一路吹黃雨
石筍連空擁硬雲
巖戶幽情山鳥共
草堂清景路人分
巖城只在芒屨底
回首蒼茫隔世氛

誰家茅屋枕巖幽
晴翠茫茫繞檻流
數到九層山色外
定知雲腳接潮頭

題王翼汝明經鄰耕紫雲詩文草

王髯家有四立壁終日歎歌出金石古心方與聖賢語
衆口難辭室人謫楚門山頂祠文昌去歲訪君升講堂
邨童錯愕麋鹿顧先生婉孌龍鸞章望見世人常卻走
冰雪一編攜在手示我高文字字新驚人壯句時時有
頭陀雲月絕世姿石墨鐫華松栢滋寒谿西山七百載
千里待君黃絹辭所著雁宕山碧霄寺記李上舍墓誌銘武昌西山蘇黃祠記皆名篇也
漢南行李隨飄泊歸來不廢遊山腳洗筆閒尋大小湫
灑墨遍題南北閣閣北閣南多白雲花壇邨卽是花源

君思小隱鄰先卜我憶前遊誰與論

余辛丑入雁宕未至兩閣至今以爲

恨

夜夢入林期把臂醒來一笑同愁思夫子無錢屋打

頭使君有累繩穿鼻

玉環竹枝詞

百年腴土委羶腥南廟張侯是福星問取虎父雙鐵樹

開山二十四回青

雍正五年李宮保衛奏委桐廬令張公坦熊開建玉環虎父山內鐵樹二

株每過五年長發一次

縣主墳東開座堅石龜鼉鼉陡門前雲肥早闢山頭地

塗老還陸海底田

南山有南宋時縣令葬此今呼爲縣主墳其東古塘開址尙存石龜山舊

有塘礪陡門天啓間築院碑在
西陡門上字多漫漶不可讀矣

簫鼓匄轟震海天競從龍子借豐年邨童舞罷邨巫唱

歸去平分利市錢

元宵各鄉龍燈皆至官署跳舞傾花紅去每隊輒從以巫舞罷巫誦誦歌

誦大抵五風十雨國泰民安等語

青布籠頭花布裙玉環女兒媚新春試教棉麻種三晦

定有機聲深夜聞

元夜中秋別有天楚門市日趁喧闐嫦娥也似知人意

畱得清光十六圓

太平人元宵中秋皆以十六日當之相傳因市日係三六九便于備物也

三月城西六月東魚龍曼衍答神功算來不及城隍會

丁字街頭百貨豐

城中一年三會九月城隍會尤盛

夫人廟裏簇香花求子人來兩髻髻佑汝生兒好身手

放船耕海陸耕霞

夫人廟在塘洋求子多應土人出海取魚謂之耕海

鄰里招呼野燒新香狸九節鹿長脣怪來叉箭無虛發

昨向塘洋祀獵神

相傳獵神爲莊六相公廟在塘洋

高嶺盤盤野綠稠梯田開上白雲頭諸絲萬箔明如雪

今歲環山大有秋

簪笠嶠南浪接天飛來對對打春船順風齊撒花蕭網

青頓黃頭入手鮮

船有打春打秋諸名花蕭六月間作花粉紅色結黑子可以染魚網入鹹

水經久不腐鯨魚有十八種曰白浦曰黃頭曰白眼曰
白蕩曰青頓曰烏曰斑曰牛皮曰狗曰鹿皮曰鰕曰鱧
曰燕曰虎曰犁頭
曰昌曰了髻曰刺

歲歲聞船集坎門繳牌放纜及冬溫海天萬里孤篷小
不待風濤早斷魂

冬帶成羣入近洋南風出水北風藏鄰船釣得頭魚在

銜尾蟬聯入裏艙

帶魚首尾相銜而行釣得一尾即可兼得十餘尾釣法以竹筒套大繩浮

水面綴小繩一百二十各繫銅絲鐵鉤卽以帶魚爲餌

昨夜西山月挂弓海沙叫斷美人虹桃枝背裏拋長棹

且避朝來東北風

諺云月兒仰瓦不求自下月兒挂弓少雨多風海沙叫卽日有大風兩俗

懷古田舍詩節鈔卷之四終